


**TRUTH  
CENTERED  
TRANSFORMATION**

**MODULE**



# **MWINYO AMUMUNI BBUKU LYAMUYISI**

Truth Centered Transformation is a ministry of Reconciled World. Learn more at [tctprogram.org](http://tctprogram.org).



Ibbuku lya Truth Centered Transformation—Lya Mwinyo aMumuni v5. Copyright ©2020 Reconciled World, Phoenix, Arizona, United States of America. [www.reconciledworld.org](http://www.reconciledworld.org)

Ooyu mulimu ulikujanika muni lyamabambe a Creative Commons Attribution-ShareAlike 3.0 license. Ulazumizigwa kutola mulimu ooyu, kuupanga bwiingi, kuuwaba, akuubelesya kotobelazya eezi zitobela:

**Kupa kulumba** – welede kubikilizya aaya mabala aatobela mukulumba kwako: Copyright © 2017. Lyakadindwa aba Reconciled World ([www.reconciledworld.org](http://www.reconciledworld.org)) muni lyamialwu ya Creative Commons Attribution-ShareAlike 3.0 license. Kuyanda zyiingi, langa a [www.creativecommons.org](http://www.creativecommons.org).

**Tawuuzigwi pe** – Tozumizigwi pe kuuzya mulimu ooyu naa kuubelesya munzila yakuchita bbindawuko.



Naa koyanda kusandwida mulimu ooyu, wangunuka kulembela ku [info@tctprogram.org](mailto:info@tctprogram.org)

Malembe aamu Bbayibbele woose akatolwa kuzwa ku New International Version®, NIV®. Copyright ©1973, 1978, 1984, 2011 by Biblica, Inc.™ kalibeselesegwa anzumizyo ya Zondervan. Zyelelo zyoonse munyika yoonse nzya. [www.zondervan.com](http://www.zondervan.com) The “NIV” and “New International Version” zyakalembeselesegwa ku United States Patent a Trademark Office ya Biblica, Inc.™

# Kotanasanguna

## Kubambila Kuyiisya Chiiyo

---

1. Bala **Bbuku LyaMuyiisi** lyoonse kabotu, liable twiimngi kuti kazikonzeka. Lemba manosi kumbali kuchitila kuti azokuyeeze zintu zikoloondo nzotanoyabuswaane.
2. Langa **mizeezo mipati** kuchiiyo achimwi kuchitila kuti uzibe zyeede kujautwa abayiyi knolikubayiisya chiiyo choonse.
3. **Mavesi** woonse zwa abala chiiyo kachitanasanguna.
4. Langa ubone kuti nzeezili **zyakubelesya** ziyandikana kulichimwi achimwi chiiyo mpawo ubasimpe lkuti wapanga akudinda zyoonse ziyandikana kuBbuku lyaSikwiya (zilimukati) mpawo uchite Zitondeezyo Ziboneka zitabelesege muchiiyo.
5. Ba aasimpe kuti ulikumvwisisisya **inchito** iili muchiiyo (misobaano aZitondeezyo Ziboneka). Ulakonzya kujana buzichita ampuli yakonaa bazolani bako.
6. Tola chiindi **chakukomba** kuli Leza kuti akubambile bayiyi, kuchitila kuti bamvwe eezyo Leza zayanda kuti bamvwe, akuti ayebo akugwasye ukonzye kuyiisya kabotu. Yeeya kuti nkwwinda biyo mumanguzu aaleza mukunga tulabona bantu bakasandulwa.

## Bbuku lyaMuyiisi

1. **Mizeezo Mipati aZyakubelesya**: Achimwi chiiyo chisanguna acheechi chimpanzi.
  - a. **Mizeezo Mipati** – Eeyo njemizeezo mikoloondo njibeelede kumvwisisisya oobotu balikwiya kumamanino achiiyo achimwi. Kumamanino aachiiyo muchite ndange musule ubone kuti nchobeni bazimvwisisisya na.
  - b. **Zyakubelesya** — eezi nzintu ziyandikana kubelesege muchiiyo alimwi zililembedwe muni achimwi achimwi chiiyo.
    - i. **CHITONDEEZYO CHIBONEKA** – zlinolembedwe boobu. Zyeede kukkalazyadindwa chiindi kachitanasika.
    - ii. Tusungwaazya kuti ube aapepa pati lyakulembela, bboodi lituba lyakulembela, naakti limwi bboodi lyakulembela aawo nolikuyiisya mbunga mpati.
    - iii. Mabbuku aabaYiyi ngakulisali kuti kamuyanda kubaaawo. Zyoonse chimpanzi zilimubbuku lyaMuyiisi izilazintu zijanika mubbuuku lyabayiyi zilembedwe eeyi mpa: (SG).

## Chitondeezyo Chiboneka

Izitondeezyo Ziboneka zyaleeli bbuku zili mulilibi lilinsini. Zidinde uzibambile mbuli mbuzitondeezegwe aakkwa lilembwedwe zyamukati zya Zitondeezyo Ziboneka.

# Chiiyo 1: Mwinyo aMumuni

## Muzeezo Mupati:

- Mbuli mwinyo, buumi bwesu bulangilwa kuti bweete busandu mputubede antoomwe amuzyeengele mutukkala.

## Zyakubelesya:

- Chitondezyo Chiboneka: 'Nsikonzyi pe Kuchita Nsamu!' Malembe aamusobaano (mapepa otatwe aayandikana)
- Chitondezyo Chiboneka: Twaano tutatu tufwiifwi (tudindwe tudelulwe aakati)
- Chigabba chamwinyo, Choncho
- Bbuku lyaMuyiisi kuti kamuyanda (SG)
  - Twaano tutatu

## Manjililo: Mwinyo

---

### NCHITO MUMBUNGA MPATI

*Zyakutobelezya kuMweendelezi: Bweza kagabba kalamwinyo mpawo ukazyungulusye mubantu kuchitila kuti babone*

- Niinzi echi?
- Chibelesegwa nyama nzi? *Kubamba, kulweezya, kubotya, kusalazya.*

Mwinyo nchintu chizibilikide pesi chichita kuti zintu zibe kabotu! Musimpe, mwinyo mukoloondo kumibili yesu; tatukoonga twapona katutakwe mwinyo.

Jesu wakaambuula aatala amwinyo mbuli mukozyanisyo wiiminina kutondezya kuti bana Kilisito mbaani. Sunu tuyanda kubona kuti mboobuli mbutunga tulaba mbuli mwinyo muzyeengele zyesu. Atusangune akulang.ae malembe tubone kuti Jesu wakatyeni aatala amwinyo.

## Muli Mwinyo

---

### NJOOMO MUMBUNGA MPATI

Bala Matayo 5:13: 'Muli munyo wanyika. Pesi kuti munyo wasampuka, ulungwe buti? Anga tuuchikwe mulimi pesi kusowegwa biyo akulyatuukwa aabantu.'

Mumunchali ooyu Jesu ulikwaambuula aabatobeli bakwe. Mbukunga aswebo tulibatobeli bakwe, ulikwaamba eezi alubo kulindiswe. Muchiindi Jesu naakapona aanyika, mwinyo wakali mukoloondo loko alimwi kuulemekwa- wakali kwiita mali nyiingi. Jesu ulikwaambila batobeli bakwe kuti bazibe kuti balemekwa loko.

## Amube mbuli Mwinyo

---

Mwinyo wakali (alimwi uchili) kulemekwa loko nkaambo ulaamulimu mupati. Mukutukozyanisya amwinyo, Jesu ulikutuyiisya kuti tuli aamulimu mupati muzyeengele zyesu. Ulikuzibikka aantanganana kuti ngatulaba alimwi tweelede kuba mbuli munyo.

**NCHITO MUMBUNGA MPATI** (Belesya **CHITONDEEZYO CHIBONEKA**: MUSOBAANO 'Nsikonzyi Kuchita Nsamu!')

Chiyandikana: 1 sikuuzya muchintoolo, 2 basikuula, zilyo zyakuuzya.

Musobaano: Sikuuzya ulikuuzya zilyo aachintoolo chaakwe. Basikuula basika kuzoowula zilyo.

**Sikuula 1:** (*wanjila muchintoolo*) Mwayusa biyeni! Ndiyanda kuula zilyo. Zyiita mali nzi?

**Sikusambala:** Iyii, nzezi.

(*Sikusambala wapa zilyo, Sikuula 1 waliya, sikusambala wabweedezya nchinchu kuli Sikuula 1.*)

**Sikuula 1:** (*wayinka kayabubala nchinchu yakwe*) Eeli ndizuba lyangu bbotu! Ooyu Sikusambala wandibweedezya mali nyiingi loko. Amu ooyu muntu tayiide biya pe; takwizi pe kubala mali. HAHA!! (Sikuula 1 weenda).

**Sikuula 2:** (*wanjila muchintoolo*) Mbiyeni. Ndasika kuzakuula zilyo.

(*Sikuuzya wamupa zilyo, Sikuula 2 waliya, sikusambala wamupa nchinchu kuli Sikuula 2.*)

**Sikuula 2:** (*kayobweenda kabala nchinchu*) Amu amu! Sikusambala wandipa nchinchu nyiingi. Wabisya aawa ulasweekelwa mali mubbindawuko lyakwe.

**Sikuula 2:** (*wabweeda kuli Sikusambala*) Lulekelelo. Mwandipa nchinchu nyiingi. (wabweedezya returns the imwi mali).

Ndalumba loko. Nsimaninsizye pe chikolo alimwi nsikonzyi kabotu pe kuchita nsam. Eezi zyandipa kusweekelwa loko mubbindawuko lyangu. Ndalikuyanda kuti kaansiinga ndakonzya kuchita nsamu kabotu.

**Sikuula 2:** Iyii, ndipenzi pati loko eeli. Leka ndikwaambile, kuti koyanda loko kwiiya, ndilakonzya kukuyiisya kuchita nsamu ntuloko kuchitila kuti usumpule kabotu bbindawuko lyako.

**Sikusambala:** ndalumba loko! Ndabotelwa kuti wasika sunu.

- Nguuli wakachita kabotu mbuli muna Kkilisito? *Sikuula 2.*
- Sikuula 2 wakasyomeka. Muli iili imbi nzila Sikuula 2 mwakatondeezya kuba muna Kkilisito?
  - *Wakalipeda kugwasizya kusumpula luzibo lwensamu lwa Sikusambala.*
  - *Wakabona chiyandisyo chakuti achite zintu zibe mbubo.*

## **NJOOMO MUMBUNGA MPATI**

Mukati kamabbuku ngitwakayiia muchiindi chayinda twaakayiia aatala akuti buumi bwesu bulakonzeka biyeni kusumpuka kwiinda mukutobela nzila zya Leza. Lino amubone kuzwa kunchito eeyi antoomwe akujwi ikuti mawumi eesu ayelede kuleta busandu koonse nkutubede, muzyeengele zyesu. Kuti mwinyo wabikkwa, kulya kulanona. Kuti katuya muzyeengele zyesu, tweeleda kuchita kuti zintu zibabotele aabo bali afwiifwei andiswe.

Toonse tukkala katulimo muzyeengele zyesu lubbe. Eezi zyaamba kuti tulamweenya wakuba mbuli mwinyo mukati kazyengele zyesu. Zintu nzituchita lube zilakonzeka kuboneka aanga tezikoloondo pe, pesi--mbuli mwinyo—chinru chiniini chilakonzya kweeta busandu bupati loko.

## **NCHITO MUTUBUNGA TUNIINI**

Mutubunga twabantu batatu naakuti bane amuzuwe aatala azimwi nzila nzibubelesya mukwaambuuzyanina abamwi bantu mucheengele chenu. Anga mulaba biyeni mbuli mwinyo kuli mbabo—mboobuli mbumunga mulachita mawumi aabo abe mbubo?

## **CHITONDEEZYO MUMBUNGA MPATI**

**Zyakutobelezya kuMweendelesi:** *Nyampula kagabba kaniini kwamwinyo.*

- Mwinyo ulaamulimu na kuti wakkala biyo mukagabba? (*pe*)

- Niinzi chichitika kulichakulya chesu kuti mwinyo wabelesesegwa kabotu mukujika? (*Mwinyo upakunona kubotu kuli chakulya, kaatakwe mwinyo kulya takukonona pe*)
- Ulayandikana loko na mwinyo kuzinti zilungidwe kale? (*Pe!*)

Toonse tweeleda kuyeeya simpe eeli: mwinyo weelede kubelesesegwa. Mwinyo wabuuumi bwesu weelede kusika kulibaabo batana lungwa—ikapati aabo batanasyoma. Ikuti twalibambila atulikke katutondeezya luyando biyo kulibasinsondo besu, taakwenitulikutobelzya mulawu waLeza wakuti tuyande bamwi (i.e. atuzwe aanze).

Kuti mawumi eesu kaatali kweeta busandu buli mbubo kubantu mbitukkezyenie aabo, tatulikupona buumi bwachiKkilisito pe mbuli mbayanda kuti tube Jesu.

## Mumuni

### NJOOMO MUMBUNGA MPATI

Leza, musule lyakulenga julu anyika, Mumuni chakaba chintu chakusanguna nchaakalenga. Mbuli mbututakonzyi kukkala katutakwe mwinyo, alubo takukonzeki kukkala kaatakwe mumuni. Mukoloondo loko mubuumi bwesu.

- Uchitaanzi mumuni?
  - *Upa buumi, utondeezya mibala yazintu zibotu, ututondeezya aawo aanga alaba ntenda.*
- Atuyeeye kaansinga teekwakali zuba, kaatakwe mumuni wamagesi, kaatakwe mumuni wamweezi, nikunga kulibiyeni?
  - *Taakwe chalikumena kachikomena.*
  - *Taakwe nchitwali kunookonzya kubona nansya mita yomwe kunembo lyesu.*

Bala kuli Johane 8:12

- Ngwani mumuni wanyika?
  - *Ngu Jesu*
- Niinzi chichitika kuti twamutobela Jesu?
  - *Tatukwe kweenda mumudima, tatukowofwala, tulakubona nkutuyabuya.*
  - *Tulaawo mumuni wabuumi, tulapona mumuuya akukomona.*

Jesu waamba kuti ngunguwe mumuni wanyika alimwi tulakonzya kubaawo mumuni ooyu kwindi mukumutobela.

Bala kuli Matayo 5:14–16.

- Ngwani mumuni wanyika mumunchali ooyu?
  - *Batobeli Bakwe – ndiswe!*
- Niinzi nchawamba Jesu kuti tweeleda kuchita kuchitila kuti ‘tumunike amumuni ooyu’?
  - *Nchito mbotu*
- Nguwani mumuni ooyu?
  - *Boonse balimung’anda, muntu woose.*
- Kazitobela majwi aJesu, niinzi chitachitike kuti twamunika mumuni wanchoonzyo?
  - *Bamwi bantu balabona nchito zyesu mbotu mpawo balumbaizye Taata wesu uuli kuJulu, kupa bulemu kuli Leza*

Leza wakapa Nsondo (banaKkilisito) mukuli uusalidwe munyika: kuba mumuni! Jesu wakayinzizya mumuni wakwe waluyando kubatobeli bakwe. Kaatakwe nsondo taakwe umbi mumuni; kunooli mudima biyo. Koonse aawo bantu baLeza nibasala kuti tabamuniki mumuni wabo, zyeengele zabo zikkala kazili mumudima. Kaatakwe mumuni wabuumi, taakwe bulangizi pe muzyeengele zyesu

## Twaano twaNsondo zyaMwinyo aMumuni

### NCHITO MUTUBUNGA TUNIINI (SG)

**Zyakutobelezya kuMweendelesi:** Anzaania tubunga tube tutatu. Akube muntu omwe uubala mulikamwi akamwi kabunga. Pa akamwi kabunga lwaano LOMWE kuzwa **CHITONDEEZYO CHIBONEKA:** **Twaano Totatwe.** Baambile kuti babale mpawo basandule mibuzyo. Bapandulwide kuti akamwi kaano aaka nkasimpe loko kuzwa kugunzi lyachoonzyo. Mpawo akamwi kabunga kamana akaambile mbungano yoonse aatala akaano kabo ansandulao zyamibuzyo.

**Cheengele 1** Mulilimwi gunzi, kwanoonaga kuti muntu wachiswa, mung'anza wakalikusika kabaambila kuti bapayile ampongo kuchitila kuti bajane minsamu iisilika. Aawo basinsondo yachiKkilisitu nibakayiya aatala abulondozi mumabambe aaTCT, bakasanguna kubelesya ziiyo nzibakayiya kusilika aamwi malwazi maniini kulimbabo auli basimayakilane babo. Bantu boonse mucheengele bakabona kuti aabo bakali kutobelezya malayilile aabo, bakalikupona kaatakwe nibapayila abanyama. Lino gunzi lyoonse lilikweezya kutabilila akusilika malwazi kaatakwe nibachita zipayizyo pe. Eezi zipa kuti batasweekelwi mali alimwi kabali aabulondozi bubotu! Kubaanga kubelekela Leza kupa kuti buumi bwabana Kkililisto bube kabotu. Kupa kuti buumi bwabamwi abulabo bube kabotu!

**Cheengele 2** Mulilimwi gunzi, bantu banoonga baza kuzotebula mumuunda, aboobo mwani muunda wakali kunoonga kayelede kupa chakulya chiingi azinywiigwa zinona naakuti bukande kubantu basika kuzotebula. Chimwi chiindi kulya ooku kwalikwiita mali nyiingi kwiinda zintu zyatebulwa! Musule lyakwiya aatala akuchita Nchito zyaLuyando, bana Kkilisito bamucheengele bakati mbaanga sikunogwasizya biyo mumyuunda kaatakwe luliyo pe. Bantu bakagamba kuti bana Kkilisito aaba teensi bakali kugwasyania bo abalikke pesi bakali kugwasya abaabo batanjili nsondo zyabo. Muchindi chifwiifwi bantu bakabona eezi zyakalikuchitwa abalabo bakaleka kuyanda chakulya azinywigwa kuti bagwasye. Lino bantu boonse bakachila kulipeda kugwasyania mumyuunda yabo kaatakwe luliyo. Awumwi ulayeta chakulya chakwe, mpawo babeleka antoomwe. Aboobo ayimwi mpuli ilajana mpindu mbotu loko. Lino chiindi chakutebula chakaba chiindi bantu aaba nchibalangila loko peepe nchibamvwa machise mumyoyo, alimwi bachila chakukonzya kulela mpuli zyabo kuzwa kumpindu nzibajana kukulima.

**Cheengele 3** Gunzi lyakachita kuti Nchito zyaLuyando zibe mukati kabuumi bwabo bwamazuba woonse. Balachita Nchito zyaLuyando amviki amviki. Eezi biya njinjiyo yakaba nzila yabo yakupona yakuti lino, kuti kakuli muntu uuyanda lugwasyo, balayimikila nzibalikuchita beezye kumana penzi lyasikila umwi. Kutu kakuli mabwe naakuti tombe mumigwagwa, balayimikila bagwisya. Gunzi lyabo ndiimwi lyakali aamatome loko, kalitakwe lusumpuko pe. Pesi lino lyakabota akusalala taachikwe tombe liboneka pe. Kwalino bakakonzya kuyaka nsondo mbotu kuzwa kumali yakubeleka chamanguzu antoomwe akugwasyania! Busandu oobu bulaboneka kuli boonse bayinda mugunzi eeli. Muntu woonse wamugunzi wakachila chakubotelwa akulumba bantu bansondo nkaambo kanchito zyabo zyaLuyando alimwi kabati bakabayanda babatondeezya nzila ntuloko yakupona.

- Nsondo yakachita nyamaanzi mulwaano oolu?
- Mboobuli busandu nwakachitika mucheengele eechi?
- Bantu bamucheengele bakazitambula biyeni?
- Bachila chakwiilanga biyeni nsondo lino?
- Ngatulachita biyeni kuti tube mbuli eeyi nsondo?

### NGAMBO ZIBOOLA

Leza uyanda kubona zyeengele zyesu kaziponede kabotu. Kuzwa kumalembe eesu antoomwe atwaano twasunu, twazibona kuti bulangizi bwazyeeengele zyesu buli munsondo – nyiika tiikonziyi pe kweeta kuponia. Ndiswe mumuni uukonzya kutanda mudima muzyeeengele zyesu!

- Amwaabe anywebo twaano twamuzyeeengele zyenu tutondeezya kuti kumunika kwenu kwagwasya biyeni basimayakilane?
- Nchito zyaLuyando zyakeeta busandu na muzyeeengele zyenu?
- Nchiti zyaLuyando zyakaguma na aabo batanjili nsondo?
- Niinzi chimwi nchimunga mulachita mbuli nsondi mukweeta mumuni mucheeengele?

## Masimpilo

---

Imikila ulibuzye: ndilasyoma na kuti nchobeni Leza uyanda kuti batobeli bakwe – kubikkiliza andime ansondo yangu – kuti tweekete busandu muzyeeengele zyesu?

Atukombe kuti Leza atugwasye tukubone kuti Uyanda kuti manguzu aakwe alibonie mumilimu kwiinda mulindiswe kuti tweekete mumuni kuzyeeengele zyesu zilimumudima. Amukumbile Leza amutondezeze nzila yomwe njimunga mulebelesya kuti mweekete mumuni akuba mwinyo, mpawo mulinde nsandulo yakwe muchuumunizi.



# Chiiyo 2: Kupa Leza Bulemu

## Mizeezo Mipati:

1. Mpalamo Yakuba mwinyo amumuni kulibamwi njakupa bulemu kuli Leza.
2. Tweelede kupa bulemu kuli Leza mulizyoonse nzituchita.

## Zyakubelesya:

- Taakwe

## Manjililo: Leza Mulemu

---

Katutanaya kule, atuyeeye nziwakayiya muChiiyo 1.

Bala Matayo 5:16: ‘Munzila njiyeeyo amuchite mumuni wenu umunike kulibamwi, kuchitila kuti babone milimu yenu mibotu bape bulemu kuli Taata wenu uulikujulu.’

- **Nkaambo nzi nitweelede kuchitila bamwi milimu mibotu?**

Mpalamo yakuchita milimu mibotu — yakuba mwinyo amumiuni akuchita Nchito zyaLuyando —nkuchitila kuti bamwi abalabo bamupe bulemu Leza. Muli eechi chiiyo, tulabona kuti nkaambo nzi Bulemu Bwakwe nibuli bukoloondo kulindiswe.

## Buumi Bwesu Bweelede kupa Bulemu kuli Leza

---

### NJOOMO MUMBUNGA MPATI

Ndiswe basikubala minchali kuzwa muchizuminano chachiindi sunu. Muminchali eeyi, banalzirayeli—basale baLeza—bakali bazwa mubuzike alimwi bakali kuyabweenda kabatozya kunyika Leza njakali wabasyomezya. Lwakali lweendo lulamfu loko kabayobwiinda munkanda. Nibakasika kumugaano wanyika Leza njakali wabasyomezya, bakatuma basikuyolanga kuti nyika eeyoyakayimvwi biyeni alimwi bakakubona kuti yakali azintu zyiingi zibotu—mbuli nkama zyama sansa zyakali mpati loko zyakali kutola baalumi babili kuti bazinyampule. Pesi bakakujana lubo penzi—mwakali basilumamba biingi basimide loko mukati kanyika eeyi. Baalumi basikutumwa babili mbabo abalikke bakaambuula aatala azintu zibotu, bamwi boonse bakaambuula aatala azibi amapenzi. Atubale kuli Myeelwe tumvwe yakachitika.

Bala kuli Myeelwe 14:1–20.

Mukati kaleeli fuka lyaminchali, bana Izirayeli bakabisya. Kwiinda kuti kabasyoma zisyomezyo zyaLeza kulimbabo, bakanyontookela Mozesi antoomwe aLeza, kabaamba kuti chakali mbubo kabakkala kabali bazike muljipita naa kufwida munkanda (v. 1-4). Mukusandula Leza wakati ngusikunyonyoona Izirayeli woonse mpawo alipangile bambi bantu kuzwa kuli Mozesi. Pesi Mozesi wakayinka kuli Leza akumukombelezya kuti atachiti oobo.

- Mumavesi 13–16, niinzi Mozesi nchawambila Leza kuti nkaambo nzi nati atachiti eezi?
  - *Zimwisi zisi ziyoomvwa aataa azeezi zizoteedi Leza wabo wakakachilwa kuzuzikizya chisyomezyo chakwe.*
- Niinzi chilikukataazya Mozesi mumoyo?
  - *Bulemu bwaLeza, kuti bamwi balayeeya kutyeni aatala aLeza.*

Mozesi zilikumukataazya zyakuti Leza anyonyoona bana-Izirayeli, bana-Ijipita balazimvwa mpawo bayeeye kuti Leza wakakachilwa kuzuzikuzya chisyomezyo chakwe chakuyoobasisya kunyika yachisyomezyo. Mozesi ulikuyeeya aatala achiimo chaLeza—Bulemu bwakwe! Wayeeya kuti, “Balatyeni batali bana Kkilisito kuti bamvwa kuti eezi zyachitika?” Mozesi taakwe naakamba kuti, ‘Utabanyonyooni bana-Izirayeli nkaambo tuli bantu babotu,’ naakuti ‘eezi zilatondeezya aanga ime nsilimusololi muntuloko pe.’ Pespi chinyontoosi cha Mozesi chipati ncha Bulemu bwaLeza.

- Nga waziyeeya na zyachiimo chaLeza?
- Mbuli bana Kkilisito tuleelede na kuyeeya aatala achimo chaLeza, (mbuli., Bulemu bwakwe?)? Nkaambo nzi?

Bala kuli 1 Ba-Korinto 10:31.

- Kazitobela majwi aaPawulo, ndeelili nitweelede kulikataazya aatala abulemu bwaLeza?
  - *Koonse mputuchita chintu—nansya kachili chiniini, nzituchita lubbe zilimbili kulya akunywa.*
- Kutu maanda aabana Kkilisito kaali ngawo aatakwe busanambi loko kwiindilila mucheengele, lubono lwabo kalutabambwi kabotu, alimwi bana babo kabazwaata zizwaato zitasapidwe, muyeeya kuti bantu balayeeya kutyeni aataa aLeza?
  - *Balasanguna kubula kasimpe kakuti Leza ulakonzya na kubamba bantu bakwe, balasanguna kuyeeya kuti Leza uyanda biyo zintu zyamuyya taakwe nazilanga pe zyempuli.*
- Eezi sena zyaamba kuti tweelede kuba bavubi akuba aazintu zyiingi zibotu kuti tukonzye kubotezya Leza kuchitila kuti bantu batweebe na?
  - *INEE! Munchobeni, Jesu lwakwe wakazyalilwa mumpuli yakali aabuchete. Pesi tweelede biyo kuchita kabotu kuli eezyo ziche Leza nzyatupede. Tweelede kubelesya zintu ziliwo antoomwe abusongo mbutujisi kuchitila kuti tupe bulemu kuli Leza.*

Twakayitwa kuti tuzope bulemu kuli Leza mulizyoonse nzituchita. Nkaaka kaano kakupandulula kuti eezi nga zilalangika biyeni.

Kwakali mpuli yakachijila kubusena bukkazikwa basikuchija nkondo nkaambo kankondo kunyika yabo. Kakutanaba nkondo, eeyi mpuli yakavubide loko. Pesi lino bakazwa mukukkala mung’anda mpati mbotu baya kukukkala mukaanda kabulongho kaniini. Mukayintu taakwe nakayibamba kabotu ng’anda yabulongo alimwi yakafwambaana kunyonyooka. Wakalikukkala kayeeya ng’anda mbotu njibakali aayo alimwi wakali kuyeeya biyo eezi nzibakatalikwe. Musule lyakayindi, mukulana wamulumi wakasika alakwe kuzokkala aawa. Wakayiila bwabota busena, wayakulula ng’anda yabota, wakabwezelela maluba wabyala weeta bubotu bwaLeza mukati. Wakakkala kwamviki ziche kalikuchita eezi zintu katakwe mali njaabelesya pe. Kubya nkwakachita maluba atumwi tusamu, akusalazya ng’anda, kugwisya tombe lyoonse lyakaliwo, kwakapa kuti aang’anda aabe busandu bubotu. Eezi zyakapa bulangizi, peepe kulimuka mwanike alikke, pesi kumpuli yoonse antoomwe abasimayakilane. Nikuba kuti bakachili bachete kabatakwe nchibalaacho, alimwi kaanda kakachili kaniini, mukulana wakabelesya nziyakli aazyo biyo mpuli kuti ape bulemu kuli Leza muchindi chabuyumuyumu.

## NCHITO MUTUBUNGA TUNIINI

Mutubunga tuniini, amuzwe amizeezo myiingi mbuli mpumukonzezya aatala amibuzyo yobile eeyi.

**Zyakutobelezya kuMweendelezyi:** *kuti kakweelede, amusangune kuzwa aamizeezo kamuchili antoomwe kuchitila kuti bazibe nsandulo zilikuyandikana. Twaamaninsya tubunga, chita kuti akamwi kaboozye ngambo kumbungano yoonse.*

| Nzeezili zimwi nzila nzinga tulabumba aazyo chiimo chibotu chaLeza mukati kabana Kkilisito?  | Nzeezili zimwi nzila zinga zilajaya chiimo chibotu chaLeza kuli baabo Batali bana Kkilisito?   |
|--|--|
| <ul style="list-style-type: none"> <li>• <i>Kulela kabotu bana besu</i></li> <li>• <i>Kuyanda banakazi besu</i></li> <li>• <i>Kubeleka chamanguzu</i></li> <li>• <i>Kukkutawukila bamwi</i></li> <li>• <i>Kutobela nzila mbotu zyabulondozi</i></li> <li>• <i>Kubamba kabotu bwaanze, banyama azivuubwa</i></li> <li>• <i>Kukkala masena eesu kaasalede</i></li> </ul> | <ul style="list-style-type: none"> <li>• <i>Kutalela kabotu mpuli zyesu</i></li> <li>• <i>Kubisya bwaanze</i></li> <li>• <i>Kutabamba kabotu mibili yesu (kunywa akufweba)</i></li> <li>• <i>Kufwambaana kunyema</i></li> <li>• <i>Kutasyomeka (muzintu zyamazuba woose/mabbindawuko)</i></li> <li>• <i>Kutasyomeka kuli ngokwetene aawe</i></li> <li>• <i>Kuuma bana, bakayintu abanyama</i></li> </ul> |

## NGAMBO ZIBOOLA

### NJOOMO MUMBUNGA MPATI

- Kuti bantu balanga buumi bwako, balayeeya na kuti ‘Leza mubotu. Milawu yakwe mibotu. Nzila zyakwe nimbotu!’ naakuti bayeeya kuti Leza wesu takwe manguzu alimwi tali mukoloondo pe?
- Tulikulemeka Leza na mukati kazyoonse nzituchita mubuumi? Tulabeleka chamanguzu na? Tujata bamwi aluyando na? Tubelesya mali yesu anzila mbotu na? Tulisyomekede na? Tulapa na amyoyo yaangunukide? Niinzi chimwi nchitunga tulachita bumbi?

## Bayiminizi baLeza

### NJOOMO MUMBUNGA MPATI

Chiimo chibotu chaLeza nchikoloondo loko. Wakatwiita watuchita bayiminizi bakwe.

Bala kuli 2 Ba-Korinto 5:20.

- Niinzi chitegwa mwiiminizi?

**Zyakutobelezwa kuMweendelezi:** Sandula mazina anyika ubikke nyika zizibidwe abantu mbolikuzulwida.

Mwiiminizi ngooyo uuzwa kunyika yakwe kaya kuliimbi nyika kuyooyiminina nyika yakwe. Mbuli mukozyanisyo, kuUSA kuli mwiiminizi wanyika yaKenya. Mulimu wakwe ngwakwiiminina nyika yaKenya mu USA. Kuti fulumende waKenya waba aamizeezo njatola, ooyu mwiiminizi nguuwambuula afulumende wa USA kayimvwilidi Kenya. Waambila bantu aatala abantu bakuKenya antoomwe atunsiyansiya twabo.

Ulabasungwaazya kuti baswayile Kenya, bakachite mabbindawuko kuKenya, akuula zintu zipangwa kuKenya. Ulayiminina alubo Kenya kwiinda mukunjila mumiswaangano yaluundu kaboneka kubantu—zyoonse zyawamba akuchita, nansya nzila njazwaata aayo, zyeede kupa bulemu kunyika yakwe.

Eezi zilakozyania akuba aabana. Kuti mwana wako wachita chintu chibi, ulaba abweeme. Zipa kuti ulangike bubi. Kuti mwana wako wachita chintu chibotu, ulaba aamantukwe. Zipa kuti ulangike kabotu.

Aswebo tuli bayiminizi baBwami bwaLeza. Kuti bantu batulanga antoomwe abuumi bwesu, beeleda kubona kuti bwami bwaLeza bulibiyeni.

- Niinzi chitondeezegwa abuumi bwesu kubantu kuti bwami bwaLeza bulibiyeni?

Yeeya aatala akuti Leza wamwiiminina biyeni muli eeyi mviki yayinda. Kuti bantu balanga buumi bwako, niinzi nchibanga balamvwisisiya aatala akuti Leza ngwani?

## **NCHITO KAMULI BABILI**

Mulibabili babili, amuyeeye aatala azintu nzimunga mulachita busiyene mukati kayino mviko. Amukombe antoomwe kuchitila kuti Leza amugwasye muchite busandu mbumuyanda kuchita.

## **Masimpilo**

---

Kuponena Leza kulatupa lukondo muzintu azyiimo zyoonse.

Bala kuli Johane 15:10-11

- Kubamba milawu yaJesu teensi chintu chilemu pe, pesi ndukondo!

Bala kuli 1 Petro 2:12

- Mpalamo yesu yakuponena bulemu bwaLeza njakuti bamwi abalabo bamupe Bulemu

Teesni chibotu na kuti kupona muli eeyi nzila, Leza ulatulongezya lubo akutupa lukondo?

# Chiyoyo 3: Buna Kkilisito BwaSimpe

## Muzezo Mupati:

Buna Kkilisito buboneka aazintu zichitwa kunze zitondeezya kuti ndiswe bani mukati. Nimpindu zyaLuyando lwesu lwaLeza.

## Zyakubelesya:

- Chitondeezyo Chiboneka: Makkaadi otatwe aalezyakutobelezya mumusobaano
- Makkenduolo otwatwe amanchisi (Nchitoto yakulisalila)

## Manjililo

### NJOOMO MJUTUBUNGA TUNIINI

- Nga ulamupandulula biyeni muna Kkilisito wasimpe? Nga ulamubona biyeni kuti ooyu muKkilisito wachoonzyo? Amulembe aansi zintu nzibachita naakuti zitondeezyo nzibalaazyo.

### NGAMBO ZIBOOLA

**Zyakutobelezya kuMweendelezi:** Chita kuti tubunga twaabane eezyo nzitunoo; l twalemba aansi. Mpawo waambileunga tulange eezyo nzitwalemnba. Nzingana zintu zibaanga nkuya kunsondo? Nzingana zitondeezya kubaanga nkusyomeka? Mbaani balemba zyiingi?

Sunu ndiswe basikulanga mikozyanisyo yotatwe izibilikide yabulijate bwabunaKkilisito.

## Bulijate 1: Zyakunze Azilikke

### NCHITO MUMBUNGA MPATI: MUSOBAANO

**Zyakutobelezya kuMweendelezi:** Ulayanda basikulipeda batatu. Notanoope makkadi azyakubelelezya mu **CHITONDEEZYO CHIBONEKA** ba aasimpe lyakuti basobani balakonzya kusobaana munzila zitobela:

- musobaani 1: kusobaana kwakuliyanda loko
- musobaani 2: kusobaana kwakubeteka akusola bamwi
- musobaani 3: kusobaana kwaluyando, kulibombya, akusanduka

### Musobani 1: (Kusobaana KWAKULIYANDA loko)

Nkunono biyeni! Sunu ndakambawukila bantu biingi babungene mudolopo. Minchina yangu yamasipikka yagwasya kuti muntu woonse amvwe majwi ngindali kwaambuula ankombozyo zyangu. Ndabaambila nzila zyoonse nzibeelede kupona mulinzizyo. Ndizi kuti bandimvwa bazitambula, nkaambo boonse banyampula maboko aabo kabayanda kusanduka nindamaninsya kukambawuka. Ndime muvangeli mupati wachoonzyo oomuno mubusena—taakwe umbi uzwiidilila mbuli ndime! Tazigambyi biya pe eezi, ng'andatola mahola obile nkelikukomba, hola lyomwe nkelikubala Bbayibbele. Mumviki yayinda ndakalyiimya chakulya kwamazuba aatatu nkekumbila Leza kuti andipe basanduka batasike mwaanda amakumi musanu 150 amweezi. Ndizi loko kuti wabona mbekomba akulyiimya chakulya Ulasandula nkombozyo zyangu. Nkubi loko kubona kuti bamwi bantu tabakwe muuya mbuli ndime. Tabazi pe kuti kulipedwa biyeni kumulimu waLeza... Oh! Kuli ooyu lubo sikukolwa wamugunzi. Uboneka aanga takoooyibona pe anzila yakuya kmuunzakwe aawa talinakubbila nee! Weelede loko kumvwa kukambawuka kwangu ooyu! Pesi nee nsikwe chiindi anguwe pe lino—chaba chiindi chakukomba! (wanyansuuka weenda.)

- Nga mulamupandulula biyeni Musobaani 1 ooyu?

- *Uyanda kulidundiiza lwakwe akuti apegwe we bulemu; uyanda biyo zintu zyamuyya, peepe Nchito zyaLuyado.*
- Wakali wamuswaana na muntu uuliboobu?

Musobaani wesu wakusanguna ubedaanga muFarisi. BaFarisi mbabo bakalikuzulwida nsondo muchiindi chakapona Jesu aanyika. Bakalipeda buumi bwabo kuti bayiye akuyiisa mulawu waMozesi. Bakajisinkini loko akuyanda kutobelezwa milawu yaLeza antoomwe akupona buumi bubotu 'buumi busalala'. Bakayungizya zintu zikasigwa zisika 365 antoomwe ayimbi milawu iisika 250 kumilawi ilikumu alimwi bakalikuyanda kuti muntu woose ayitobelezwe. BaFarisi bakalikutegwa mbibantu basalala loko. Bamwi zwabo bantu taakwe nibalikunoosalala mbuli mbabo.

Kakuliboobo, chiindi chiingi muBbayibbele tubona kuti Jesu wakalikukkala kasola bamaFarisi aabo balikutegwa 'mbibasalala loko'. Musimpe biya majwi mapati aakalikwaambwa aJesu teensi akali kuya kubaamu naakuti basikukolwa pesi akalikuya kubama Farisi. Atubale nzyakaamba kulimbabo.

Bala kuli Matayo 23:1–7, 23–28.

- Kuzwa kumavesi aaya, nziinzi nchimuyeeya kuti chakali choono chaba Farisi?
  - *BaFarisi bakali aanchito zyoonse, pesi mukati bakali aabulyabi, bbivwe, kuliya alimwi kabayanda zintu zilangene aambabo luzutu akulisumpula. **Taakwe nibakali aamoyo abamwi bantu** pesi bakalikubikka milawu miyumu, iitali milawu yaLeza pe. Nibakatali bantu bantuloko, **bakali kulitondeezya mbuli bantuloko alimwi bakali kubeteka woose ngubakali kubonaanga talikabotu. BaFarisi taakwe nibakali kuyandisya kupona buumi bubotezwa Leza pesi bakalikuyanda biyo kuboneka aanga bala Salala.***

Muchiindi baFarisi antoomwe amusobani wakusanguna mumusobaano wesu kiili mikozyaniso yiindilide kuli eezi, toonse tukakonzya kusunkika kubaanga tulibasalali loko kwiinda mbutubede loko, naakuti kuchita buna Kkilisito pesi katulikule loko aLeza. Leza takwe kuyandisya loko kuzintu nzituchita aanze kwiinda bulidilano bwesu aNguwe buzwa mukati. Nzituchita aanze azibe chitondeezyo chabulidilano bwesu aNguwe.

Lino atulange musobaani wesu wabili.

## Musobaani 2: Kukutawukila Bamwi pesi Kakutakwe Luyando

**NCHITO MUMBUNGA MPATI: MUSOBAANO**

*Zyakutobelezwa kuMweendeelezi: Belesya makkaadi **CHITONDEEZO CHIBONEKA** makkaadi.*

**Musobaani 2:** (Tondeezya kubijilwa, abuntu bubi, akufwambaana kunyema noli kwaambuula)

Oyaa! Nee eeli zuba. Ndakatala loko! Kuya kunsondo kulikutola chiindi changu CHIINGI loko. Amviki nditola chiindi changu kugwasya bamwi. Tazigambyi pe Mukambawusi nchawamba kuti ndilichilongezyo chipati kunsondo eeyi! Sunu ndaswayila bantu batatu balikuchiswa akubatolelwa chakulya. Mumviki njiyeeyi yayinda ndakachita mabambe aakuti kuyakilwe mukamufu ng'anda... (Wasanguna kunyema) kakutali kuti ndilamumvwisisya mwanakazi uulya, pesi nsikubwene pe kulumba kwakwe. Wakachita yii kuti twalumba, pesi kwakali kubaanga ulikuti ncheelelo chakwe. Nsibayandi loko pe bantu bali boobo. Tabazi pe kuti niinzi nzyelipeda kuti ndibagwasye, ambebo ndilempuli njejelede kulilangila. Pesi biya taakwe naakalumba pe. Bantu beelede kulemeka kweezya kwangu. Kaansinga ndakalilekede biya kumugwasya mwanakazi uulya.

- Nga mulamupandulula biyeni musobaani wabili ooyu?
  - *Kubeleka chamanguzu kuzintu zyensondo pesi kakuli kuyanda biyo kudundiizigwa.*

Musobani wabili wakalikuyanda biyo kuti chiimo chakwe chilemekwe. Wakalikuchita zwakwe nchito zyaLuyando pesi wakalikuchita amoyo mubi mulinguwe—kuchitila kuti bantu *bamulumbayizye*. Atulange iimbi minchali yamalembe yaambuula aatala apenzi eeli.

Bala kuli 1 Ba-Korinto 13:1–3.

- Kuzwa kumalembe aaya niinzi chakabulika kumusobaani wabili? (*luyando*)

Bbayibbele lilatwaambila aantanganana kuti kuchita milimu naa kukutawukila bamwi katutakwe luyando mumoyo taakwe nchizaamba pe! Twamvwa mputwabala aawa kuti tweeleda kuba aluyando kuchita kuti Nchito zyaLuyando nzituchita zibe anchizaamba.

### **NJOOMO MUTUBUNGA TUNIINI**

Yeesesya musobani wabili kasika kulinduwe kuzokumbila malayilile. Walimvwa ijwi kuli 1 naBa-Korinto 13 pesi takonzyi pe kumvwa luyando mulinguwe. Ulayanda kupa luyando pesi tazi pe kuti abayande biyeni bamwi bantu? Kampatila aabo bakataazya. Ngaali malayilile ngonga ulapa kuMuntu wabili ooyu aatala akuti kukomenwa biyeni mukuyanda bamwi?

### **NGAMBO ZIBOOLA**

## **Nkulujanika Luyando**

---

Kuti katuyanda kukomena muluyando, tweeleda kukkala katubweeda ooko nkuluzwida luyando.

Bala 1 Johane 4:7–9.

- Luzwa kuli luyando? *Luyando luzwa kuli Leza. Leza nduyando.*

Mbukunga luyando luzwa kuli Leza tweeleda kulanga kuli Leza chiindi choonse kuti atuyungizye luyando muchiindi nitutamvwi kuba aaluyando mulindiswe.

### **CHITONDEEZYO MUMBUNGA MPATI (AMUSALE KUUCHITA KUTI KAKUKONZEKA BIYO)**

***Zyakutobelezya kuMweendelezi:*** *Sala umwi sikulipeda azekunembo. Mupe kkendulo lizimidwe. Mwaambile kuti aliyasye kkendulo eelyo. (takukokonzenhya pe kuliyasya kkendulo kaatakwe chakuliyasisya)*

Buzya:

- Nkaambo nzi nuwakachilwa kuyasya kkendulo?
  - *Nkaambo nsikwe mulilo wakuliyasya pe.*
- Niinzi nchoyanda?
  - *Chakuliyasya naakuti mulilo.*

***Zyakutobelezya kuMweendelezi:*** *Leka ooyu kachiimvwi kunembo. Pa lubo ilimbi kkendulo lizimide kuli umbi muntu mung’anda oomo. Mwaambile kuti ayasye kkendulo lyawulya umbi muntu wiimvwi kunembo. (Tazikochitika pe nkaambo taakwe nikwalinaaba mulilo wakuyasya).*

Buzya:

- Nkaambo nzi niwakachilwa kuyasya kkendulo lyasimayakilane wako? Nkaambo ambe lyangu kkendulo lilizimide.
- Zili aamutwe na kweezya kuyasya kkendulo lyawumbi muntu pesi lyako ayebo kalizimide? *Peepe tazikwe biyape!*

Mbuli mbutukachilwa kuyasya kkendulo lyawumwi nkaambo twabula chakuyasisya, akulako takukonzei kumvwa kuti tupe bamwi luyando kautakwe ooko kujanika luyando.

**Zyakutobelezwa kuMweendelesi:** Aatebuli mukati kang'and kunembo, yasya kkendulo pati.

- Tedii, 'Jesu mumuni wanyika. Mumuni ujanika kuli Leza kwiinda muli Jesu Kkilisito.'
- Buzya sikulipeda wabili, 'kuti wasika aawa aajanika mumuni ulakonzya na kuyasya kkendulo lyako?' (iyii)
- Mwaambile kuti ayasye kkendulo lyakwe.
- Tedii, 'Lino wazula mumuni nkaambo wayinka kuyowuyanduula ooko nkuujanika. Lino wakonzya kuti uyasye kkendulo lyasimayakilane wako na? (iyii.)
- Mwambile ayasye kkendulo lyamweenzinyina.
- Niinzi nchitwiiya kuzwa kulooyu mukozyanisyo?
  - Jesu ngomumuni alimwi kulinguwe nkokujanika luyando lwesu. Tatukonzyi pe kupona katutakwe nitwatambula Luyando Lwakwe.

Zili aantanganana kuti tweeleda kuya ooko nkulujanika luyando kuchitila kuti tukomene muluyando alimwi tukonzye kulutondezwa kulibamwi luyando lwa Kkilisitpo.

## Kukomena Muluyando

Mbuli mbutwaamba tulakonzya kukomena muluyando akukomba kuli Leza kuti atuyungizye luyando lwesu. Njeyi imwi mizeezo.

### 1. KOMBELA BAMWI

- Luyando lulakomena nitukombela bamwi bantu—nansya aabo mbitutayandi. Kumbila Leza akugwasye ubayande. Kutola chiindi kobakombela lubbe ulagamba Leza mbatasandule moyo wako umvwe luyando kuli aabo bantu, eezi zitola chiindi!

### 2. CHITA/ LEMEKA

- Luyando lukomena kwiinda mukuchita; luyando teensi nkumvwa kabotu akulikike pe. Chimwi chiindi nkuchitwa kwazintu. Aboobo, nikuba kuti chimwi chiindi tulakonzya kutalumvwa luyando mukati, tweeleda kuchita zintu zyaLuyando mpawo katulikukomba kuli Leza kuti atugwasye Luyando lukomene mukati kesu.

### 3. TOLA CHIINDI UYIYE AATALA ABAMWI

- Chiindi chiingi nitwiiya aatala abamwi bantu luyando lwesu lulakomena kulimbabo.

Eezi azikkale muboongo bwesu: kuyanda muntu tachaambi pe kuti ulazuminana azyoonse nzyawamba naa nzyachita. Kuti muntu kali kubisya, tatuzuminani pe achibi, pesi basizibi tweeleda kubayanda. Jesu wakatola chiindi kali aabaamu abasimitelo antoomwe abamwi bakali kuchita zimbi zyoona mubukkale. Taakwe naakazuminana azibi zyabo, pesi wakabayanda. Wakaabana chakulya ambabo, wakaaba buumi bwakwe kulimbabo akubakutawukila nkaambo kaluyando lwakwe kulimbabo.

## Musobani 3: Kukutawuka aMoyo Uuzwide Luyando

### NCHITO MUMBUNGA MPATI: MUSOBAANO

**Zyakutobelezwa kuMweendelesi:** Belesya makkaadi **CHITONDEEZYO CHIBONEKA** makkaadi.

**Musobani 3:** (kuosbaana akuli Bombya akuSanduka)

Ndikkala nkebotelwa loko abasobaani bakusanguna (muntu 1) a (muntu 2). Balayandisya zintu zyamuyaya alimwi bachitila nsondo zintu zibotu zyiingi. Pesi kubaanga nsikonzyi biya pe kubota mbuli mbabo. Sunu ndasitole chiindi nkelikukomba, pesi mwana wangu wawa walichisa. Mpawo ndayimikila kukomba kuti ndisanzye mwana chilonda akumubikka bbandichi. Mpawo chalichaba chiindi chakusindikila bana kuchikolo.



Nindaboola ndaya kumuunda kukubeleka. Kukuboola ndaleya kuswayila umwi mukamufu simayakilane wangu. Ooyu mwanakazi—uchizwakufwidwa mulumi alimwi uchilila loko. Ndatola mahola katulikwiizya akumugwasya kusapa zizwaato zyakwe. Wazoboneka kakondedwe, pesi ndalimvwa kuti kaansinga ndilakonzya kumugwasya azimbi zyiinda aawa. Moyo wangu wawusa loko. Kansiinga ndali amuuya mbuli bamwi, nikunga ndachita zimbi zili mbubo. (wasendeka mutwe) Taata, ndakumbila undilekelele kuzintu nzesilikuchita kabotu. Ndiyanda kupona buumi bukulemeka. Nditondeezye kuti chiindi nga ndilachibelesya biyeni akuti bamwi bantu ndilabayanda biyeni mbuli mboyanda kuti ndichite ndiyanda lugwasyo lwako; nsikonzyi pe kuzichita endike.

- Umupandulula biyeni Musobaani 3?
  - *Ulabombiya, ulabulelo, kutondeezya luyando nchintu nchachita lubbe mubuumi bwakwe. Mwinyo amumuni wesimpe.*
- Walikuchibelesya biyeni chiindi chakwe? *Kuchita Nchito zyaLuyando, kuyanda kujana chiindi chakukomba.*
- Ulaziba biyeni kuti wakali aamoyo uuzwide luyando? *Wakafwida nsoni simayakilane wakwe, wakakumbila bulemu bwaLeza.*

## NJOOMO MUTUBUNGA TUNIINI

Bala kuli Luka 18:9-14

- Ngwani wakalumbayizigwa aLeza muli eeyiminchali?
- Niinzi chakagambya aatala azeezi? (Amuyeeye nzitwayiia aatala amaFarisi.)
- Aakati kabasobaani botatwe aaba, nguuli ngobonaanga utondeezya bunaKkilisito bulikuyandwa aaLeza? Nkaambo nzi?
- Langa musule kubupanduluzi bwako bwakusanguna bwamuna Kkilisito. Nga ulabubambulula biyeni kazitobela nzitwayiia kusika lino muli eechino chiiyo?

Musobaani watatu wakalikuchita milimu yakwe yalubbe pesi kali aamoyo wakalikuyandisya bulemu bwaLeza. Taakwe naakalikwe luzibo lupati Isalikide naakuti lwiiyo, pesi moyo wakwe wakaziwde luyando alimwi muuya wakwe wakali kuyandisya kuchita akutondeezya luyando. Wakachita zintu amoyo waluyando akulipeda kukukomba Leza. Wakalilipedeleda kumilimu yakwe yamazuba woose alimwi kaziba nzyayeleda kuchita ziyandikana aalinguwe. Musobaani watatu ooyu ututondeezya kuti, tatweelede pe kuba basalali bazwide kuti tumubelekele Leza! Leza we uyanda kuti tumubelekele katubelesya eezyo nzitulaazyo (bumi bwamazuba woose) kubulemu Bwakwe.

Kukkutawukila bamwi amyoyo iizwide luyando nzizipa bulemu kuli Leza akupa kuti bamwi abalabo baMutembawule! Taakwe pe nitunga tulaba mumuni wanyika wasimpe katutakwe luyando mumyoyo yesu. Nzila yomwe iinga ilabeleka kukuba aamoyo uulaluyando kuyanduula bulemu bwaLeza peepe bwesu swe.

## Masimpilo

Muziyyo ziche nzitwayiia kusika lino twayiia zintu zyiingi zichitwa amuKkilisito—tweelede kuba mwinyo amumuni, alimwi tweelede kweeta bulemu kuli Leza. Pesi tatweelede pe kuluba kuti manguzo aakukonzya kuzichita zyoonse eezi azwa kuli Leza. Zisanguna aakuba abulidilano bulikabotu aLeza. Kutu tekwa oobo tulaba biyo mbuli basobaani babili bakusanguna—nga kulaba [biyo kuchita zintu aanze pesi koli kule loko aLeza naakuti kuchita milimu pesi kotakwe luyando mpawo kolikunyema.

## KULILINGULA OMWINI

Yeeya lubo aatala abasobani balimumisobaano yayinda—iwe nga ulalibikka aali uuli? Kumbila Leza akulange moyo wako mpawo akugwasye ansandulo kumibuzyo itobela:

- Ndiyanda kuti Leza apegwe bulemu na kuli nzechita? Naakuti njanda biyo kuti imebo ndilumbayizigwe?

- Ndilikuyanduula Leza amoyo woose na, naakuti ndilikuchita biyo zintu zibotu kunze? Imwi nzila yakuziba kabotu, nkulilanga iwe lwako kuti ulimuntu uulibiyeni kaatakwe umbi muntu uukulangide. Uyijata biyeni mpuli yako aawo bamwi bantu kabatakubwene? Ulipedeledede biyeni kuzintu zyaLeza kaatakwe bakubwene? Ulaalo na luyando lwasimpe naakuti uyanda biyo kuti bantu batedi ulasalala?
- Ndilakonzya na kumuyanda simayakilane wangu chakasimpe? Naakuti ndeelede kukumbila Leza asandule moyo wangu kuchitila kuti ndiyande chakasimpe?

Awumwi alikombele, kamuli babili, naakuti mukabunga kuti Leza asandule myoyo yesu anchito zyesu kuti zitondeezeze mumuni waluyando Lwakwe muzyeengele zyesu.

Chiiyo chesu chitobela chilatuyiisya aatala akuti tulakomena biyeni mumuuya kuchitila kuti myoyo yesu imuboteze Leza.

# Chiiyo 4: Kugwisya Chibi akuBusilizya Boongo Bwesu

## Muzeezo Mupati:

1. Tweelede kutola ntaamo zyakuzunda chibi kuti tube mbuli mwinyo amumuni kuzyeengele zyesu.

## Zyakubelesya:

- Chitondeezyo Chiboneka: Musobaano watuBata Tusiya (dinda makkaadi azulile, muntu amuntu ajane lyakwe – nengulula bbazu lyakusanguna kuchitila kutondeezya kabunga mpawo amwi mabata woonse achala aanzanie wabikke mukabbeki naakuti mumvulopu)
- Chitondeezyo Chiboneka: mifanikisyo ilimusanu awumwi – iitatu yantaamo 'Zyakugwisya Chibi' mpawo iimbi iitatu yaku 'Busilizya Boongo Bwesu'
- Pepa pati naakuti bboodi yakulembela iituba: (yakweengela Ntaamo zili musanu azine Zyakuzunda Chibi akusiya mweenya aakati kayimwi ntaamo)
- Bbuku Lyasikwiiya Kuti kamuyanda (SG)
  - Ntaamo Zyakuzunda Chibi (chifwiinsyo chilamalemba amifanikisyo)

**Zyakutobelezya kuMweendelezi:** Nchikoloondo kuti usangune kukuchita olike eechi chitondeezyo kotana tondeezya kubantu kuchitila kuti ubone kukonzeka kwakuzwidilila kwacho mukutondeezya zilikuyiisigwa. Alubo, misobaano yamumbunga mpati iyanda kusanguna wayimvwisisisya nomuyiisi, aboobo ba asimpe kuti waba azyakubelesya chiindi kachitanasika.

## Manjililo: Kusweekelwa Kulweela Kwesu

Muchiiyo 1 twakabala kuli Matayo 5:13: 'Muli munyo wanyika. Pesi kuti munyo wamana kulweela, ulalweela lubo biyeni? Tuuchikwe nchuuchibeleka pe, biyo kusowegwa ukyatuuwe abantu.'

Twakaambuula aatala abukoloondo bwamwinyo akuti mawumi eesu eelede kuba biyeni mbuli mwinyo muzyeengele zyesu. Aboobo lino tuyanda kulanga bbazu lyabili lyaleeli fuka lyaminchali—niinzi chichitika kuti mwinyo 'kuutachikwe kulweela'.

## Kugwisya Chibi


- Niinzi chibi? (kuchita zintu zibi, mizeezo mibi akuchita kubi, kubisizya Leza)
- Chaamba nzi kuba 'sizibi'? (tuyanda kubisya, buntu bwesu mbwazibi, bwaanzwe bwesu mbwezibi, tuleezibi mubuumi bwesu)

Chibi chipa kuti tumane kulweela alimwi tutabi katuchita zyeede muzyeengele zyesu. Tuyanda kusobaana musobaano muuba uutatutondeezye kuti ngwani uuyandakuzunda chibi mumawumi esu akuti ngwani uutakwe chibi mumawumi esu.

## NCHITO MUMBUNGA MPATI: Musobaano waMabata Aasiya

**Zyakutobelezya kuMweendelezi:** tondeezya makkaadi obile **CHITONDEEZYO CHIBONEKA** makkaadi: limwi lilebbata litakwe chintu limwi kalilebbata lisiya.

Ilitakwe chintu litondeezya moyo mubotu uutakwe chibi mpawo lisiya litondeezya moyo uuzwide zibi.



Muli eeyinchito tulabelesya bbazu lyakunembo lyamung'anda. Oobu busena bwanzaanisigwa bwaba mabazu aabili:


- Busena 1 – 'Bulechibi'
- Busena 2 – 'Tabukwe chibi'

#### Zyakutobelezya Mumusobaano:

1. Awumwi wenu ulatambula kkaadi lilebbata. Eelyo kkadi ndilitaambe kuti weelede kuya kulili bbazu lyang'anda: kuti kalisiya = uya kubbasu lyabusena 'bulechibi', kuti kalitakwe chintu bbata uyakubusena 'butakwe chibi'.
2. Utalangi PE kuti ujisi bbata lyamusyobo nzi kusikila ndakubuzya kuti langa. Sisa kkaadi lyako kuchitila kuti takubi muntu uutabone bbata lyako—ayebo utaliboni pe!

**Zyakutobelezya kuMweendelesi:** Tondeezya **CHITONDEEZYO CHIBONEKA** kkaadi lilebbata lisiya. Batondeezye kuti eeli kkaadi lilabatola kubbasu lyabusena 'lilechibi'. Tondeezya kkaadi lyebbata litakwe chintu mpawo ubatondeezye kuti eeli lilabatola kubbasu lyabusena 'litakwe chibi'

- Belesya kkaadi lyomwe kumuntu omwe (BELESYA BIYO MAKKAADI ALAMABATA ASIYA.)
- Bayeezeye kuti tabalangi pe makkaadi aabo!
- Bayite umwi umwi kunembo, mpawo umwaambile alange kkaadi lyakwe mpawo atondeezya bamwi.
- Mwaambile aye kubbasu lyeeendelana akkaadi lyakwe alimwi kajisi kkaadi kunembo lyakwe kuchitila kuti liboneke kulibamwi.
- Kutu woonse muntu aajana mwenya, boonse banooli kubbasu lye 'Chibi'.
- Mpawo bala zitobela:



Kazitobela malembe aalikuli 1 Johane 1:8, toonse tuli basizibi 'kuti katuti tatukwe chibi tunooli tulikulibejala alimwi simpe talimo pe muindiswe.' Mbukunga toonse tulibasizibi, tweeleda kuziba kuti zibi eezi tulazigwisya biyeni kuchitila kuti tube mwinyo.

#### **KULILINGULA OMWINI AKUKOMBA**

Atutole mweenya wakukomba kutuchiimwi. Lumba Leza kuchisyomezyo chakwe chakutulekelela akumukumbila kuti atupe myoyo ilachiyandisyo akusalazigwa kunzila yakutobelezya kuti tulazunda biyeni chibi chesu.

## **Ntaamo Zyakuzunda Chibi**

#### **NJOMO MUMBUNGA MPATI**

Mbukunga toonse tatuchilweeli, ngatulalweela lubo biyei? Tatuchikwe chibotu chasyaala na kunze kwakusowegwa akulyatuukwa? Nikuba kuti chibi chesu nga chilaba chipati, Bbayibbele lilantanganana mukutupa malayilile akuti tulagwisya biyeni chibi antoomwe akutusungwaazya kuti manguzu aaLeza alazunda zibi zyoonse. Manguzu aakwe achite kuti tulweele lubo tube mwinyo!

Mukati kazyiyo zibili zitobela ndiswe basikwiiya aatala anzila nguba zitatu zyakuzunda chibi mubuumi bwesu:


1. Kugwisya chibi
2. Kubusilizya boongo bwesu, mpawo
3. Kubika zibotu aawo aalizibi

## Kugwisya Chibi

**Zyakutobelezuya kuMwendelezi:** Nolikuyisya mabazu obile aatobela aaya, lemba awumwi mweelwe amutwe wamakani abboodi naakuti pepa pati. Mpawo tondeezya **CHITONDEEZYO CHIBONEKA** mufanikisyo wimiminina muzezo mupya. Mpawo inkila kunembo kopandulula awumwi awumwi. Musule lyakupandulula awumwi. Mulange lubo minchali yakusule kuchitila kuti bantu bayeeye lubo ntaamo zyoonse.


Atusangune kulanga ntaamo zitatu zyakugwisya chibi. (SG)

1. **Kubona Chibi** (**CHITONDEEZYO CHIBONEKA** Mufanikisyo: Janza lilebbata lisiya)  
Buzya kuli Leza akutondeezye chimwi chibi mukati kabuumi bwako eencho nchayanda kuti ubelekele kuchisandula. Chilakonzya kuba chimwi nchituchita—mbuli kuvwiya—naakuti chilaba chimwi chintu nchitukachilwa kuchita—mbuli kuyanda banakazi besu [mbuli mbakayiyanda nsondo Kkilisto.




Tubona Davida kazichita eezi muli Ntembauzyo 139: 23–24, eeyo yaamba kuti: ‘Undilingule O Leza, uzibe moyo wangu. Undisunke uzibe miyeeyo yangu. Bona na muli inzila imbi mulindime; Undeenzye munzila iitamani.’

2. **Zumina Chibi Ulekelelwe** (**CHITONDEEZYO CHIBONEKA** Mufanikisyo: chitondeezyo chakwaambuula chilebbata lisiya mukati)  
Kuti chibi chaboneka, tulazumina chibi eecho kuli Leza akulibamwi kuti kakukonzeka. 1 Johane 1:9 yaamba kuti: ‘Kuti twalyaamba zibi zyesu, walo ulasyomeka akululama, ulatulekelela zibi zyesu akutusalazizya zitaluleme zyoonse.’ Sungwaazigwa—taakwe chibi chipati loko pe kuli Leza! Ulisyomekede kutulekelela zibi zyesu ZYOONSE.



Kuti katuli twakabisizya umwi, nga kulayandika kumukumbila lulekelelo. Kuti bulidilano bwakanyonyooka nkaambo kachibi chakachitwa, nchikoloondo kuti tulyaambe mpawo tukumbile lulekelelo kuchitila kuti bulidilano oobu bubusilizigwe.

3. **Sanduka** (**CHITONDEEZYO CHIBONEKA** Mufanikisyo: chitondeezyo chakwaambuula chilebbata lisiya lijiidwe)  
Nchikoloondo kuti tusanduke kuchitila kuti tatwiindululi zibi. Kusanduka kwaamba kuti kusiya ziba akuchita kuyanda kwa Leza.



Kuli Jobu 31:1 tubala kuti: ‘Ndakabika lukasyo ameso angu, elyo alimwi musimbi teendakamulanga.’ Aawa tubona kuti Jobu wakasanduka alimwi wakalipeda kuti atalangi mwanakazi amenso akumuyanda. Jobu wakali umwi muntu Leza ngwaakali kwiita kuti ‘uutakwe mulandu uululeme’ (Jobu 1:8), alimwi Jobu wakachibona kacheelede kuti atachiti chibi eechi. Tulakonzya kusungwaazigwa akuti Leza ulabalemeka aabo bayandisya kuzunda zibi zyabo! Atumutembawule Leza nkaambo nguwe uutuchita kuti tutabi aamulandu tululame!

## Kubusilizya Boongo Bwesu

### NJOOMO MUUMBUNGA MPATI

lino atulanbge ntaamo zitatu zyakubusilizya boongo bwesu.

4. **Komba Abuzuba** (**CHITONDEEZYO CHIBONEKA** Mufanikisyo: maaza aalikukomba)

Tatukonzyi pe kuzunda chibi katubelesya manguzu eesu atulikke. Nikuba muApostolo Pawulo kuli Ba-Roma 7:19–20: wakati ‘Nkaambo chibotu nchinjanda nsichiti pe, pele chibi nchisiyandi – nchindichita. Lino kuti chintu nchintayandi nchechita, nkukuti teensi ndime uuchichita pe, nzizibi zili zindiklalilide mukati.’

Tuyanda lugwasyo lwa Leza kuti tugwisye zibi mumyo yesu. Nkaambo tuzi kuti lubbe tulakonzya kuswaanana amasunko, lubbe tweelede kulibambila akukombela lugwasyo kuli Leza. Eezi zituyeezya kuti tukkala katuyeeme kuli Leza akulipeda kwesu kuli Nguwe. Twelede kutobela malayilile aJesus kuli sikwiya Wakwe Matayo: ‘Amulangila aakukomba, kuti mutanjili mukusunkwa.’ (Matayo 26:41)



Kukomba chiindi choonse kutugwasya kuti tukkale katujisini ayoooy ujisi manguzu kuti tuzunde zibi zyesu. Wakazunda kale chibi alufu, aboobo tulakonzya kusyoma Leza kuti azunde chibi mumawumi eesu!



5. **Kweendelezya Miyeezo Yesu (CHITONDEEZYO CHIBONEKA)** Mufanikisyo: chitondeezyo chakuyeeza chizwide tubata tutakwe chintu) Chibi achimwi chichitwa tubili—kusanguna muboongo bwesu mpawo lwabili kukuchichita. Aboobo, tweelede kusanguna kweendelezya miyeezo yesu saansina kuchitila kutabilila muyeezo wachibi kuti utabi nchito yachitwa.

Bala mavesi aatobela:


Ba-Roma 12:2: ‘Alimwi mutakakozyanisigwi aziyanza zyachiindi eechino, pele musanduke kukuchitulula kwamyoyo yanu, kuti mukasimpikile makani ngaayanda Leza. Makani mabotu aatambulika aalondokede.’

2 Ba-Korinto 10:5b: ‘...alimwi tulaanga mabambe woonse kuti aswiilile Kkilisito.’

Ba-Filipi 4:8: ‘Lino bakwesi makani aakumamanino ngaaya, kufumbwa zintu zisinizye, kufumbwa zintu zilemekeka, kufumbwa zintu ziluleme, kufumbwa zintu zisalala, kufumbwa zintu ziyaandika, kufumbwa zintu zili aampuwo mbotu, na kuli chiyanza nichiba chimwi chibotu—nanka chintu nichiba chimwi chitembawulika – amuziyeesye zintu eezi ...’

Tuzikonzya biyeni kuti ‘twaangwe mumiyezo yoonse’? kuti twabona muyeezo wachibi (mbuli kuti, waba kanyemenyeme, ‘Ndibeleka chamanguzu loko pesi mpuli yangu tiizilumbi pe zyoonse nzeyichitila.’), tulakonzya kuzumina kuli Kkilisito mpawaawo mpawo twasala kuziyeeya bumbi (mbulikuti, ‘Ndasla kubotezya Leza mumilimu yangu kubulemu Bwakwe. Nsikolangila kulumbwa pe kuzwa kumpuli yangu, pesi ndilayanda biyo kubotezya Leza amilimu yangu abuntu bwangu.’). Zyoonse eezi zilakonzya kuchitaka biyo mukayindi kaniini, aawo noyabwinkila kunembo azuba lyako. Zyiindulule eezi aawo nomvwa kuti muyeezo wachibi waamba kunjila muboongo bwako—Leza takatali pe kutulekelela akutugwasya.

6. **Kuziba Mavesi Amutwe (CHITONDEEZYO CHIBONEKA)** Mufanikisyo: chitondeezyo chakuyeeza chilabbuku lijulidwe mukati) Kuziba mavesi amutwe kutugwasya kuti tukonzye kweendelezya kabotu mizeezo yesu akukkala muboongo bwesu kamuli simpe choonse chiindi. Aawo nitusanguna kuyeeza mizeezo mibi, tulakonzya kwaambuula mavesi aalya ngitunooli twakaziba amutwe kuti azuzye boongo bwesu esimpe. Muli eeyi nzila ‘tulabusilizya boongo bwesu’ akubikka zibotu aabusena aalizibi.



Aawo Jesu naakaya munkanda alimwi Satani naakasika kuzomusunka, Jesu wakali kwaamba majwi kuti amuzunde Satani amasunko aakwe akalikuyanda kuti abisye. Ntembawuzyo 119:11 iyaamba kuti, 'Majwi aako ndaayobola mumoyo wangu, kuti ntakubisizyi.'

Bbayibbele libika aantanganana kuti kuziba mavesi amajwi aaLeza kugwasya kuti tuzunde chibi. Tulajana malembe woose aayendelena achibi nchitunooli twayeeya nchituyanda kuzunda. Kuti kotezi kuti ulajana biyeni malembe aaya, kumbila kugwasigwa amukambawusi wako naa umwi muzolani akutondezye. Ziba mavesi aaya amutwe alimwi azokugwasya kunembo naabuka masunko.

### **NCHITO MUMBUNGA MPATI**

***Zyakutobelezya kuMweendelezi:*** Nyampula mufanikisyo mpawo balikwiiya abaambe kuti mufanikisyo ooyo wiimvwilidi ntaamo zili. Mbuli mukozyanisyo, nyampula mufanikisyo wakuboko abbata lisiya mpawo balikwiiya beelede kutambwizya kabati 'Kuziba chibi!' Ulakonzya kubapa mapoyinti kuti koyanda kuchitla kuti musobaano unoneezye: muntu wakusanguna kutambwizya kawamba simpe ujana poyinti!

## **Masimpilo**

---

Toonse tuleezibi mumyoyo yesu. Taakwe naba omwe aakati kesu uutakwe kampenda alimwi kasalala. Kubija kwazibi zyesu kulimbuli kubija nkutwabona kumwinyo: chibi chigwisya kulweela kwesu. Leza ulayanda kutulekelela akutugwasya kuti tugwisye zibi mumawumi eesu. Kugwisya zibi mumawumi eesu zipa kuti tulweele lubo mbuli mwinyo akutupa kuti tuchite Nchiyto zyaLuyando muzyeengele zyesu ikabotu.

Ikuzunda chibi mubuumi bwesu kutola kuti muntu kalikweezya chiindi choonse alimwi mulimu. Twabona sunu kuti kuzunda chibi kusanguna aakugwisya chibi mpawo akubusilizya miyeeyo yesu, kuli zintu zitobelezegwa zitola chiindi, pesi sungwazigwa. Jesu wakachizunda kale chibi alufu! Manguzu aakwe alakonzya kuzunda achibi chili mulindiswe.

***Zyakutobelezya kuMweendelezi:*** Nimulikumana chiiyo chasunu, kumbila umwi akombe kuti Leza agwasye kabunga kagwisye zibi eezyo nzyanooli wabatondezya kuti bazizunde. Amukombe kampatila kuti Ijwi lyakwe aBuumi bwakwe bubusilizye boongo bwesu toonse kuti buzuzigwe asimpe aluyando Lwakwe.

# Chiiyo 5: Kubikka Chibotu aawo aali Chibi

## Mizeezo Mipati:

- Kubbika nchito mbotu aawo aali nchito imbi kuleelede loko mukuzunda zibi mumawumi eesu.
- Tweelede kutola ntaamo mukuzunda chibi kuti katuyanda kuba mbuli mwinyo amumuni muzyeengele zyesu.

## Zyakubelesya:

- Chitondeezyo Chiboneka: mifanikisyo yantaamo kuzwa ku 6–9 Zyakuzunda Chibi (zyonse zibe zitatu)
- Chitondeezyo Chiboneka: Chaati Lyakuzunda Chibi (litalembedwe chintu pe) – awumwi ulikwiiya apegwe lyakwe
- Bbuku IyaSikwiiya kuti kamuyanda kulibelesya (SG)
  - Chaati Lyakuzunda Chibi – mukozyanisyo wakunyontooka antoomwe amachaati aatakwe chintu

## Manjililo

Muchiiyo chayinda, twakasobaana musobaano wakutuyeezya kuti toonse tulijisi zibi mumyoyo yesu. Twakabona kuti tulakonzya kuzunda zibi akuzigwisya akubusilizya miyeeyo yesu. Lino tuyanda kulanga kuti nga tulagwisya biyeni zintu zibi nzituchita zyeetelezegwa azibi.

## NCHITO MUMBUNGA MPATI

**Zyakutobelezya kuMweendelezi:** Oolu lwaano lulakonzya biyo kubalilwa mujulu, naa kuchitwa mbuli musobaano balikwiiya kabali kuchita chuumunizi eezyo nzolikusala.

Swiilizya lwaano oolu...

*Kwakali mwaalumi wakali kuyaka ng'anda. Koonse mpaakali kujanina mali, wakali kuyibelesya kuyaka ng'anda yakwe kiiya mujulu buniini. Niyakamana ng'anda wakyeeza kulonzya mpuli yakwe kuti ikakkale mumo. Eeli zuba wakalilindide loko! Kwakali biyo penzi lyomwe: nkaambo kakuti wakali kukkala kule kule taakali kukonzya pe kunoolanga kuti ng'anda ilikuyakwa biyeni lubbe. Eechi chakapa buyumuyumu bupati kumwaalumi ooyu.*

*Kusanguna, malambo aang'anda kaatanamana, wakali kunoonga wasika kuzoolanga wajana mpongo ankuku zyasimayakilane zyalikuchela mukati akunze ng'anda. Eeli teensi lyakali penzi loko pe pesi zyakalikubikka tombe jingi. Naakamana malambo mwaalumi oyu wakabikka lubaya lwakachita kuti zivubwa eezi tazichinonjili.*

*Limwi zuba wakasika kuzobeleka aang'anda aawa, wakajana mpuli yamabbende yayaka ayilayo kulilimwi bbazu. Wakagwisya kawunzi kamabbende mpawo wayinkila kunembo akuvumba ng'anda yakwe, kayeeza kuti eezi zilagwasya kusinkila mabbende.*

*Nakazaboola lubo, wakazojana kuti tumpembelezya twakali twayaka mukaluli kapyo! Wakakajaya kawunzi katumpembelezya.*

*Alubo, wakasika wajana umwi simayakilane wakabelesya ng'anda eeyi kuchitila bbindawuko lyakwe lyakujikila bukande mbwaakali kuuziza bantu bamufwiifiwi. Kanyemedede kuti ng'anda yakwe yakali kubelesegeza*



*kaatakwe nzumizyo yakwe, wakaambila mwanakazi ooyu kuti alonzye bbindawuko lyakwe. Wakasiya wakiya mulyango mpawo weenda.*

*Yakayinda myeezi. Ilubo wakajana chikkulukulu chagwisigwa alimwi tendele lyakali lengelede zwalyo, umwi alakwe muntu wakachita ng'anda eeyi yaba busena bwakulyookezezya. Muntu uukolwa alimwi sikulwana wakanyonyoona mukati kang'anda mpawo wakali kuyanda kuuma mwani ng'anda. Mwani wayo wakazonjizya bazyamilawu kuti ooyu muntu agwisigwe.*

*Kumamanino, ooyu mwaalumi wakabona kuti, eeyi ng'anda yanookkede kiitakwe chintu mukati, zyiingi ziteelede kubamo nzizinoonjila. Ikuti atafwambaana kusala kuti niinzi cheelede kukkala mulinjiyo, inookkala kiizula zinyamankala abantu batalikabotu. Wakayeeya kuti kulimbubo alisalile basikukkala mumo banooliya mali: impuli niini iitanomulangile ng'anda yakwe kusikila mpuli yakwe niitazokonzye kulonga.*

*Yakayinda myeezi alimwi ooyu mwaalumi wakasika kuti azomaninizye zyakali zyachaalila. Wakabotelwa naakajana kuti eeyi mpuli yakali kubamba kabotu ng'anda yakwe alimwi yakali muchiimo chibotu! Tendele lyakakkede kabotu, mawindo aalawo akali kabotu kaabikkidwe micheka yakukasya lusuko, mukati taakwe nimwakali zinyamankala alimwi aanze bakali kuyiila!*

- Niinzi chakachitika ng'anda niyakasiigwa kiitakwe chintu?
- Niinzi chakachitwa amwani ng'anda kiuti agwisye zinyamankala abantu babi?
- Niinzi nchitwiiya kuzwa kulwaano oolu?

Ooyu mwaalumi mulwaano oolu, wakayinkila kunembo kagwisya zintu zyakatali kuyandikana mukati kang'anda yakwe akubambulula kabotu ng'anda yakwe akuchita kuti eezyo zintu zitabi kaziyoboola lubo pe, pesi chiindi choonse nalikunoonga waboola wakali kujana kwaba chimbi chintu! Wakeelede kumaninsya ntaamo yakumaninizya yakulwana azeeyo zitayandikani, kiili yakali nzila yakubikka zintu zibotu mung'anda yakwe kabelesya busongo aabusena bwazintu zibi eeziya wakabikka basikukkala babotu.

Myoyo aboongo bwesu bulimbuli ng'anda yayoyu mwaalumi. Chiindi chiingi anga twazunda umwi musyobo wachibi, mpawo ulajana kwaba limbi sunko lubo. Mbuli mwaalumi ooyu mulwaano, tweelede kumaninsya nzila ziyandikana zyakuzunda chibi mumawumi eesu akubikka zibotu aawo aalizibi. Kuzuzya myoyo yesu aboongo bwesu esimpe Iya Leza aluyando bombunbo butabilizi bupati bwakutabilila chibi kuti tachinjili mumyoyo yesu lubo.


Atwiiye aatala antaamo zitatu zyakumaninizya mukuzunda chibi.

**Zyakutobelezya kuMweendelezi:** Aawa, bweedulula akufwambaana intaamo zilimusanu ayimwi zyakuchiiyo chayinda. Yiisya ntaamo zitobela eezi mbubo mbuli mbuwachitidde kuli eezi zyachiiyo chayinda zilimusanu ayimwi: lemba ntaamo eezi aabboodi mpawo uzibisye mufanikisyo awumwi awumwi kotanayinda kuya kunembo.

## Kubikka Chibotu aawo Aali Chibi


### NJOOMO MUMBUNGA MPATI

7. **Chija chibi (CHITONDEEZYO CHIBONEKA)** Mufanikisyo: muntu uulikuchija kabata kasiya)
- Kuzunda chibi kuli mbuli nkondo. Munkondo weelede kuziba sinkondonyokwe. Amukuzunda chibi takusiyene pe. Tweelede kuliziba akuba aawo mputulewula. Jakobo 4:7 waamba kuti, "**Amulibombye, mpawo, kuli Leza. Amumukake dyabbulosi, mpawo uyoomuchija.**"




Amuligwisye kumasunko. Kuti kolepenzi lyakunywa bukande, leka kuya kubbawa kuyooziza abazolani bako. Kuti penzi lyako kalili lyabbivwe leka zintu zikupa kumvwa bbivwe kusilkila ukonzye kuzitambula eezo Leza nzyakupede kuti nzezyako. Sungwaazigwa ayaya majwi kuzwa kuli 1 Ba-Korinto 10:13: 'Taakwe sunko limusikila biyo aayo masunko akasikila bamwi kale. Alimwi Leza ulisyomekede; ikuti takoozumina kuti musunkwe kwiinda manguzu aanu. Pesi kuti mwasunkwa, ulapa lubo nzila yakuti muzwe mumasunko aayo.'

8. **Sanguna zintu zyakuchita zipya (CHITONDEEZYO CHIBONEKA** Mufanikisyo: muntu uulabbata lisiya kusule mpawo kwaba bbata litakwe chintu kunembo.) Aabusena bwanzila zyesu zyechebi zyechiindi, tweelede kusanguna kuchita zintu zipya. Mbuli mukozyanisyo, kuti ndakali kukkala nkefwambaana kunyema mpawo ndasika mukayintu katajikide, ndeelede kusanguna kuzibila kubuza kuti niinzi nchitunga tulachita kuti tumugwasye chakulya chijikwe amulimu uchitwe. Kuti ndasala kuleka kuswaanana abazolani bangu kubbawa, ndilakonzya kubelesya chiindi eecho kuba aabana bangu. Kuti nkelepenzi lyakuyando nyontooka akubijilwa, ndilakonzya kusanguna kuti lubbe golezya ndileezintu zitatu zyelede kupa kulumba nkaambo kazyo kuzwa mukati kazuba eelyo.



9. **Kupana Lulayo akuGwasyania (CHITONDEEZYO CHIBONEKA** Mufanikisyo: bantu babili balikugwasyania kabali amabata aatakwe chintu aatwaango twabo.) Eechi chikoloondo mukuzwidilila kwakuzunda chibi!



Aawo nitweezya kusala kuchita zintu zibotu akujicha zibi, kunooli kwawuba kuzunda chibi muchindi chiboola. Chindi choonse nitusala kuchita chintu chibotu, ngakwawuba kunembo. Kusanguna nzila zyakuchita kabotu ngakwawuba loko kuti kamuzichita Kamuli antoomwe awumwi muntu unga unoogwasya kukusungwaazya. Yanduula muntu uutanokujate kakwaambila simpe kuti aawa wabisya kuchitila kuti unookonzye kuchita zibotu akukusungwaazya kabotu aawo nochita chibotu.

Mbukunga kuzunda chibi nkuyumu, tuyanda kusimisigwa abazolani bakonzya kugwasya munkondi eeyi. Aaba bazolani beelede kuti abalabo kabali basyomi aabo bamvwisisya bweende bwesu kubusalali. Abalabo, beelede kabali kubelekela kuzunda chibi mumawumi aabo, alimwi beelede kulipeda kuti abalabo banowabana anduwe zyabo nkondo nzibalikulwana.

### KULILINGULA OMWINI

Bala kuli Mukambawusi 4:9–10.

'Bantu bobile mbabotu kwiinda omwe, nkaambo balajana impindu mbotu kumilimu yabo: Naa umwi wawa, umwi ulamubusya. Pele maawe kuli yooyo uuwa alikke, uubula sikumubusya.'

- Komba ukumbile Leza akutondeezye kuti ngwani ngonga ulaswaanana aawe chiindi achiindi kamukomba akusungwaazya aawo kamulikweezya kuzunda masunko kamuli babili.

**NCHITO MUTUBUGA (Kuti kamuyanda):** *Kuti kabunga kenu kakakonzya kubala alimwi kabazibide kubala majwi aLeza, mulakonzya kubumba tubunga tuniini tukonzya kuyanduula mavesi aaya aasandula mubuzyo wakuti: 'Nzeezili zimwi nzila nzinga tulabelesya mukugwasyania mukulwisyania achihi?'*

- Ba-Kolose 3:16 – *kuyiisya akupa lulayo*
- Ba-Hebrayo 3:13 – *kusungwaazya*
- Jakobo 5:16 – *zumina akukomba*

- Ba-Galatiya 6:2 – kunyampwidana mikuli
- Ba-Efeso 4:29 – kuyakana umwi awumwi kazyeeendelana aziyandikana

## Kusoola Kuzunda Chibi

### NCHITO MUTUBUNGA TUNIINI (SG)

**Zyakutobelezya kuMweendelezi:** Bape chaati litondeezya Kuzunda Chibi **CHITONDEEZYO CHIBONEKA** kuli umwi awumwi muntu. Tondeezya mbunga yoonse kuti ntaamo zyoonse zilimusanu ayimwi ngazilabeleseghwa biyeni mukuzunda chimwi chibi (kunyontooka mukozyaniso watondeezegwa aatebuli lyachitondeezyo kumamanino acheechi chiiyo).

- Nzeezili zibi zine kuya kumusanu zichitika loko muli oobuno busena?

**Zyakutobelezya kuMweendelezi:** ibamaninsya kudombola zibi zijanika loko mubusena oobu, banzaanie banjile mutubunga tuniini akamwi kabunga kazuwe aatala achibi chomwe kuli eezi zyaambwa. Kabunga akamwi akabe kakambuula aatala antaamo zyoonse kuchibi nchibanoozuwa aatala anchicho.

- Belesya **CHITONDEEZYO CHIBONEKA:** Chaati lyaKuzunda Zibi kuti ntaamo zilimusanu azine eeziya nga zilabeleseghwa biyeni mukuzunda zibi zizibilikide eezi zyaambwa.

### NGAMBO ZIBOOLA




## Masimpilo







### KULILINGULA OMWINI

Komba ukumbile Leza akutondeezye chibi nchayanda kuti uzunde. Tola kayindi kamuswiilila kuti ayete chimwi chintu kuboongo bwako. Mpawo mukumbile akugwasye kutobela ntaamo zyakuchizunda

### KUZUNDA CHIBI (SG)

#### TEBULI LYACHITONDEEZYO – Kunyontooka

| NTAAMO               | MUFANIKISYO   | CHIBI   |
|----------------------|---|---|
| GWISYA CHIBI         |   |   |
| 1. Kuziba Chibi      |  | Kunyontooka   |
| 2. Zumina Ulekelelwe |  | Ndazumina kuti ndilanyontooka loko aatala akuti ndeede kubeleka amanguzu.<br>Wenche mundilekelele kunyontooka ooku. |
| 3. Sanduka           |  | Nsichiyandi moyo unyontooka. Kwiinda kunyontooka ndiyanda kwaambula zibotu akulumba kuli eezyo nzelazyo.            |

| KUBUSILIZYA BOONGO BWESU        |   |   |
|---------------------------------|---|---|
| 4. Komba Lubbe                  |    | Ndiyanda lugwasyo sunu lwakuti nsinyontooki. Wenche mundigwasye ndibe muntu uulumba awubeleka aalukondo.  |
| 5. Kweendelezya Miyeeyo Yesu    |    | Nenyontooka, ndilikuli yeeya biyo lwangu endike. Pesi ndilikuyanda kuyeeya kuti mulimu uuli kunembo lyangu ndilawubelesya biyeni kukupa bulemu kuli Leza. Ndiyanda kuyeeya Nguwe peepe kuliyeeya mebo.  |
| 6. Yeeya maVesi aMutwe          |    | Ba-Filipi 2:14 'Chita zyoonse kaatakwe kunyontooka naa kutongooka.  |
| KUBIKKA CHIBOTU AAWO AALI CHIBI |   |   |
| 7. Chija Chibi                  |   | Ndikkala kandinyontooka kuti nkela _____. Mbubo ndileke kutola chindi kandili aawe naakuti ndimwaambile kuti nsichiyandi pe kunyontooka.  |
| 8. Yanduula zyakuchita Zipya    |  | Nesunkwa kuti ndinyontooke, ndilayeeya zintu zitatu nzyelumba. Ndilalumba Leza kuti ulabelesya mweenya ooyu kutindimupe Bulemu.   |
| 9. Kupana Lulayo                |  | Ndilamwambila ____ aatala achiyandiso changu chakuyanda kuzunda kunyontooka. Ndilamwaambila kuti andijate akundaambila neyanda kubisya, akuti nabuzya aatala azeezi nsikoyezya kusisa pe chibi changu naa kweezya kulichita muntuloko. Ndilayanduula lubo kuti ndigwasye ____ alakwe azunde zibi kuti aandizumizya kuti tubeleke antoomwe akumupa lulayo. |

# Chiiyo 6: Ikuba Nsondo Ili Mumuni Amwinyo

## Mizeezo Mipati:

1. Nsondo zyesu zipedwe mulawu wakuti zibe mwinyo amumuni muzyeengele zyesu.
2. Amanguzu aaLeza, insondo iilamumuni amwinyo ilasandula cheengele chayoy.

## Zyakubelesya:

- Pepa pati naakuti Bboodi lituba lyakulembela amakkaaadi.

## Manjililo

Yeeya kuti umwi muntu waya mulusaka kuyooyanduula nkuni. Waakusweka, mumudima alimwi ulikuyanduula nzila yakubweeda kumuunzi. Wabona kuyaka kwamulilo kunembo kule, mapwo weenda katozwa kuli mulilo ooko, pesi mukati kakweenda mulilo uulya tachubwene pe. Waba uyandozyunguluka kayabuya kule amuunzi, kuzosika bukache kali wasweeka loko.

- Niinzi chalikunooa kuto mwaalumi ooyu akasike kumuunzi?
  - *Kuti kansinga wakabona mumuni wamulilo nzila yoonse, walikunoziba kuti weelede kuyayi. Buumi bwakwe bwalikunofutulwa.*
- Awo Jesu naakayita nsodo yakwe kuti ‘mumuni wanyika’ -muyeeya kuti wakali kuyanda kuti tumunike mumuni ooyu lomwe, naakuti choonse chiindi?

Mbuli nsondo yamumuni amwinyo, milimu yesu mibotu imunika mumuni waluyando lwaLeza. Tweelede kukkala mumuni ooyu kuumunika!

## Nkaambo Nzi Nitweelede Kunjila muku Kkutawukila Bamwi?

Muzyiyo zitatu ziboola eezi ndiswe basikulanga kuti ngatulaba biyeni nsondo iilimumuni amwinyo mucheengele chesu.

### NJOOMO MUTUBUNGA TUNIINI

Mutubunga tuniini amuyeeeye njetelezyo nyiingi zipa kuti nkaambo nzi bana Kkilisito nibeelde kunjila mulizyakukutawukia bachete. Amweezye kuyeeya kusule kuzyiyo zyoonse nzimwakayiya kuzwa kuBbuku lyakusanguna (Module 1) kuzoosika lino. Kuti kakukonzeka amweezye kuyeeya mavesi ayendelea azezi.

### NGAMBO ZIBOOLA

**Manosi aMweendelezi:** itubunga nitwamaninsya kupa manosi aato, yungizya azezi zilimuni kuti kazitaambidwe.

- *Leza wakamutuma Jesu kuti azofwe akubusilizya bulidilano botatwe bwakatyolwa aawo Adamu naakabisya. Bulidilano bwesu aLeza, bulidilano bwesu aakati kesu, antoomwe abilidilano bwesu abwaanze. Twakayitwa kumulimu ooyu wabukambawusi mumutabi wakuboonza antoomwe bulidilano—kweeta kusilika kubulidilano botatwe oobu.*
- *Bantu mbakoloondo kuli Leza—ikapati loko chakapa kuti atume Mwana Mulombe wakwe kuti azobafwide. Kuti Leza kayeeya kuti bantu mbakoloondo zyakuti nga ulabafwida aboobo toonse tweelede kuyandana loko akuyanda bamwi bantu.*

- *Kuli Isaya 58 Leza wakaamba kuti taakwe naakali kusandula nkombyo zyansono nkaambo taakwe nibakali koonga kabotu bamukamufu abamuchaala.*
- *Muchiindi Jesu naakuti Pawulo nibanoonga bapandulula mubufwiifwi tesitamenti yachiidi, itutatu teensi bakali kuleka pe kuyiisya aatala akuti twelede kuyanda Leza antoomwe akuyanda basimayakilane besu. Nikuba kuti kuyanda Leza nokukoloondo loko, itutatu Bbayibbele libikka aantanganana kuti twelede kuyanda basimayakilane besu—nkaambo mbombubo mbutunga tulamuyanda Leza.*
- *Mukati kamukozyanisyo wamuSamaria mubotu, muSamaria mubotu wakoonga muntu wakalichiside nkaambo kakuumwa alimwi wakamupa zyoonse zyakali kuyandikana; taakwe naakamukambawukila jwi pe.*
- *Munjiisyo yambelele ampongo, Jesu wakayiisya kuti twelede kupa chakulya kuli aabo balenzala, chakunywa kuli aabo balenyota, kuswayila bachiswa naakuti balimuntolongo, akupa zizwaato kuli aabo balimaya. Nituzichitila umwi muntu kulakozyania akuti twazichitila Kkilisito.*
- *Twakayitwa kuti tuyake bwami bwaLeza. Chaamba kuti tuyanda bantu bayingi kuti babe bana Kkilisito alubo tuyanda kuti bana Kkilisito bayinkile kunemb akulemeka Leza mumabazu woose aabuumi bwabo.*
- *Leza wakasyomezya kaamba wati, kuti twamulemeka, uyootulongezya. Watupa nzila yakutobelezya izitatugwasye kuzwidiliza mawumi esu. Twelede kutobelezya zyoonse zyawamba.*

Tola chiindi chakuyeeza:

- Mulasyoma na kuti mukuli wansondo alimwi nchintu cheelede kuchitwa ansono koonga akutondezya bantu bachete luyando muchengele?

Nchikoloondo kuziba kuti koonga akupa luyando kubachete teensi chintu nchitunga tulasala pe kuti tulayanda naa tatuyandi pe kuchichita. Nchintu chili mukati kakuba muna Kkilisito alubo ninzila yakutondezya luyando lwesu kuli Leza.

## Leza Utwiita Kutu Tusyomeke Mukati kaBuumi Bwesu Boonse

Insono yaku Thessalonica (dolopo lyalikujanika ku Macedonia) yakaba mukozyanisyo mubotu kuli zimwi nsono zyakali kujanika mubusena bwaMacedonia.

Bala kuli 1 Ba-Tesalonika 3:11-13; 4:1, 9-10

- Nkaambo nzi Pawulo nakalumbayiza basyomi? (*nkaambo kaNchito zyabo ZyaLuyando*)
- Niinzi nchabakombela akubasungwaazya kuti bachite? (*kuyungiza luyando lwabo, alubo alubo*)

Bala kuli 2 Ba-Korinto 8:1-5

- Nkaambo nzi Pawulo nawamba kuti baTesalonika bakali aachiyandisyo chipati chakupa? (*Bakalikupa kuli Leza antoomwe akulibamwi*)

Deuteronomo 5:32-33

- Nkaambo nzi nimuyeeza kuti mulembi wakabelesya bbala liti “yenda” aawo napandulula kuswiilila akulemeka? Ulikweezya kutyani? (*kamutayimikili pe, kamwiinkila kunembo akulemeka*)
- Naa katuyanda basimayakilane besu ibiyo aawo nitumvwa kuyanda swe, tunooli tuyabweenda mukulemeka na? (*peepe*)

## Gunzi Lyakasandulwa

### NJOOMO MUMBUNGA MPATI

Mbuli mbutwakubona kuti nkukoloondo kuti tukkale katutobelezya mulawu waLeza wakuti tuyande basimayakilane besu. Amuswiilile kukaano aaka kayimwi nsondo yakabelesya zyiyo zyaTCT nzimwalikwiya. Amutole mweenya wakuyeeya nzibakali kuchita akuti yakapa kuti kube biyeni.

### KAANO KAMASIMPE – Gunzi Lyakasandulwa

Kuli limwi gunzi kubusena bulikule loko. Ndiguzi lili mukati kazilundu alimwi talikwe zyiingi pe. Bantu bamugunzi eeli bakali kujika wayini ya rice alimwi bakali kulima akufwepa polya. Taakwe nibakali kubeleka pe, pesi bakali kukkala kabakoledwe nkaambo kawayini ya rice njibakali kulijikila. Taakwe nimwakali busanambi bubotu pe mugunzi eeli; bakalikusamba lumwi amweezi, tebakalikusamba maanza pe, tabakalikwe zimbuzi pe. Zizwaato zyabo zyakali zavukide alimwi bamwi bana tebakali kuzwaata biya pe.

Kuli zyabuvubi, eeli gunzi lyakali koomba loko. Taakwe nikwakali mugwagwa muntuloko kuzwa nkuko kuya kumugwagwa mupati—kwakali biyo kazila kaniini kamawulu. Nkaambo kazeezi bantu aaba bakali kukonzya biyo kusambala zintu ziche nzibakali kukonzya kutwika kuya kuzisambalilo. Nkaambo kakuti teensi bakali kukonzya kuuzya zintu zyiingi, akulima kwabo bakakuchesya mumyuunda.

Bantu bamuguzi eeli bakali bana Kkilisito, pesi taakwe nibakali bayiia zyiingi pe aatala aLeza. Taakwe nibakali aamupati sikubazulwida kunsondo, alimwi bakambawusi taakwe nibakali kwiinka pe nkaambo migwagwa yankuko teyakali kweendeka pe. Kutu uswaye nkuko, wakali kunoonga weelela kusiya mudududu wako kumugwagwa mupati, mpawo weende kwamawola aatatu kosyoma kuti kukuboola kwako mudududu unoochiliwo kuutabidwe pe! Taakwe nibakali aabusena bwakuswaanana alimwi tebakali kukomena pe mumuuya.

Bensondo bakazimvwa mpawo bakakombeleziya musololi mubusena oobo kuti ababikke abalabo muziyo eezyo. Kwachiindi chilamfu, taakwe pe kuli aabo bayiisa wakali kuyanda kwiinka—lwendo lwankuko lwakali lulamfu alimwi kalukataazya kulweenda. Nansya kakuli kuti beenda basika kugunzi eelyo, busanambi bwankuko bwakali aanso loko yakuti bakali kusyoma kuti balazwa nkuko kabachiswa. Pesi, Leza wakaambuula awumwi wabayisi wakazumina kuya nkuko.

Nsondo yakasanguna kwiiya mabambe aaTCT. Chakusanguna Leza nchaakabasungwaazya kuti bachite kwakali kusanabula mugwagwa kuti ukomene kuyoosika kumugwagwa mupati—musinzo wamakilomita kkumi mukati kazilundu. Bakamuswiilila Leza alimwi bakawusanabula mugwagwa kababelesya zibelesyo zyamaboko. Wakali mulimu muyumu loko pesi Leza wakabalongezya. Nkaambo kayooyu mulimu, muulo wazilyo zyabo wakatanta nkaambo bakali bachila chakukonzya kutola zilyo eezi kuzisambalilo chakufwambaana alimwi kazitana wusa. Kukomena kwamugwagwa kwakali kwaamba kuti balikunookonzya kusambala zyiingi—tebakachili kutwika zintu pe. Nkaambo kakuti lino bakali bachila kujana mpindu nyiingi tebakachili kunywa loko pesi bakali kumana chiindi chabo kabali kubeleka mumyuunda. Bantu bakasangunga kubeleka chamanguzu mumyuunda yabo, kubyala akusambala zyiindulwidwe kkumi kwiinda nzibakali kuchita chiindi!

Eeli gunzi talichili limwi lamawunzi aatasumpukide pe, liyabusumpuka chakufwambana. Nkaambo nsondo yakabayiisa zyiyo zyabusanambi akuziyiisa kucheengele, muntu wonse lino wakaziba kuti malwazi maniini asilikwa biyeni, muntu woonse wakaba aachimbuzi, antoomwe achilili chazisyu. Nsondo yakasanguna mabambe aakuyiisa kulemba akubala; mukubona chiyandisyo chabo chakwiya, fulumende wakabikka chikolo. Leza wakabalongezya lubo amagesi nikuba kuti amwi mawunzi miingi aali aakati kabo akuzwa magesi taakwe naakali abawo pe.

Eeli gunzi mukozyanisyo waamwi mawunzi miingi aalimbuli ndilyo wakutondeezya Leza mbabeleka mukweeta zilongezyo kuti bantu Bakwe bamuswiilila kumilawu yakwe yakuyanda bamwi. Nibakazobuzigwa musule lyamyaaka yotatwe kuti bape mweelwe waNchito ZyaLuyando nzibakali bachita, teezyakachili kubalika pe nkaambo zyakali zjavulisya. Nikuba kuti bape mweelwe mumyeezi iitatu yayinda, akulako zyakali zyiingi loko tezyakali kubalika pe. Pesi bakapandulula biyo kuti amviki balichita yomwe naa zibili alimwi chakaba mbuli buumi bwabo. Kutu babona chintu chiyanda kuchiitwa, balayinka biyo kuyoochichita!

- Niinzi chakazochitwa nkaambo ka Nchito ZyaLuyando kuli eeli gunzi?
- Yakachita biyeni nsondo yomwe, iitakwe luzibo lwiingi aatala aLeza, kuti ikonzye kusandula buumi bwagunzi lyoonse?
  - *Bakachita eecho Leza nchakabatondeezya kuti bachite.*
  - *Bakalipeda akuba aachiyandisyo chakubelesya luzibo ndubakali kupegwa.*
- Muli iilinzila iinga ilagwasya kuti nsondo yenu yiyi akusungwaazigwa kuzwa kuli eeyi nsondo?

## Nzila Yakweeta Busandu

### NJOOMO MUMBUNGA MPATI

Nsondo zyakeeta busandu bupati mukati kamasena ngizibede, nzeezyo nsondo zyakalipeda kuchita Nchito ZyaLuyando zyamisyobo yoonse—mpati aniini—akuzichita chiindi achindi, mbuli kuti amweezi amweezi naakuti musule lyamviki zibili!

Atulange nzila zine nzitunga swebo mbuli nsondo tulakonzya kweeta kusanduka muzyeengele zyesu.

**Zyakutobelezya kuMweendelesi:** *Lemba nzila zyone zye Nchito zyaLuyando aaboodi mpawo usale batazibale.*

1. **Muntu omwe kuchita Nchito ZyaLuyando** – Muntu omwe wakkutawukila mpuli yakwe abamwi basimayakilane.
2. **Nchito ZyaLuyando zichitwa eNsondo naakuti Kabunga kabantu** – Basinsondo balanjala mumabambe aanga alatola zuba lyomwe naakuti aabili kuti amane.
3. **Nchito ZyaLuyando Mpati** – Nchito mpati zitola mazuba ayinda aabili alimwi chiindi chingi zibikkilizya abantu bamucheengele batali bamunsondo biyo. (mbuli: kuyaka mugwagwa)
4. **Lwiiyo Lwiinkila Kunembo** – Kwiinzizya kunembo zyiyo zya TCT kulibamwi. Eeyi niNchito yaLuyando nkaambo nkugwasya kuti bamwi abalabo bajane luzibo aatala akuti balalisumpula biyeni mumawumi aabo.

### NCHITO MUTUBUNGA TUNIINI

- Muli imwi yazeezi nziila, niinzi nsondo yenu nchiyalikuchita kale mukusumpula cheengele?
- Mboobuli busandu mbumwabona mucheengele?
- Mpaali mpumwabona kuti mwalongezegwa aLeza nkaambo kamilimu yenu?

### NGAMBO ZIBOOLA

*Bamaninsya, batambe mutubunga tuniini bape bukamboni bwabo kumbungano yoonse mpati.*

## Masimpilo

Mukumaninsya kwesu sunu tuyanda kutola mweenya wakulumba Leza akutugwasya kuti tuzwidilile mukuchita eezyo zyakachitwa abusandu bwakeetwa anzitwakachita. Amutole mweenya wakulumba Leza, amusale mayimbo akutembawula naa chimwi nchimuchita munsondo yenu chitembawula akupa bulemu kuli Leza.



# Chiiyo 7: Ntaamo Zitobela

## Mizeezo Mipati:

1. Tuyanda Nchito zyaLuyando zisiyene kuti katuyanda kubona kusanduka mukati ka zyeengele zyesu.
2. Nkombyo nchimwi chintu chipa Nchito yaLuyando.

## Zyakubelesya:

- Pepa pati lilembedwe Misyobo yaNchito zyaLuyando (ulakonzya kuzilemba aapepa naakuti aabboodi)
- Pepa pati lya Lwiiyo lwinkila kunembo (ulakonzya kupapnga pepa lilembedwe naakuti kulemba aabboodi)
- Bbuku lyaSikwiiya kuti kamuyanda (SG): Ntaamo zyakubambila Nchito ZyaLuyando

## Ndangemusule

---

### NJOOMO MUMBUNGA MPATI

Ngwani uunga ulayeeya nzila zine zyakweeta busandu nzitwakalanga muchiiyo chayinda?

1. **Muntu omwe kuchita Nchito ZyaLuyando** – Muntu omwe wakkutawukila mpuli yakwe abamwi basimayakilane.
2. **Nchito zyaLuyando zichitwa eNsondo naakuti Kabunga kabantu** – basinsondo balanjila mumabambe aanga alatola zuba lyomwe naakuti aabili kuti amane.
3. **Nchito zyaLuyando Mpati** – Nchito mpati zitola mazuba ayinda aabili alimwi chiindi chingi zibikkilizya abantu bamucheengele batali bamunsondo biyo. (mbuli: kuyaka mugwagwa)
4. **Lwiiyo Lwiinkila Kunembo** – Kwiinzizya kunembo ziiyo zya TCT kulibamwi.

Sunu tuyanda kulanga kuti niinzi chimbi nchitunga tulachita kuti eezi zintu tuzichite buzwide munsondo yesu.

## Mabazu Aane

---

Bala kuli Luka 2:52.

- Mpali na uunga ulayeeya mabazu aane Jesu ngaakakomena mulingawo?
  - Busongo, Chiimo chamubili (kuboneka), Mumuuya (Kuyandwa aLeza), Mubukkale (Kuyandwa abantu)
- Njiili imwi mikozyanisyo yaziyandikana kulilimwi alimwi bbazu?
  - *Busongo – lwiiyoyo, kwiiya busongo bugwasya kuziba kusilika malwazi naa kubamba mali kabotu*
  - *Chiimo chamuntu – bulondozi, myuunzi iilikabotu, kujanika kwachakulya, maanzi aasalede*
  - *Mumuuya – lufutuko, kukomena akuba aafwiifwi aLeza*
  - *Mubukkale – bulidilano bwamakwatane akulela kabotu bana, bulidilano mucheengele*

**Zyakutobelezya kuMweendelezi:** Lemba mabazu one abboodi naakuti muzyjiindulule antoomwe kayingi kusikula kabunga koonse kazibe amutwe mabazu aaya.

Aaya ngemabazu aane Jesu ngaakakomena mulingawo alimwi atupede bwaalo bwakuti ngatulakomena biyeni mumpuli zyesu, mucheengele alwesu mbuli muntu omwe. Chimwi chiindi zilakonzeka kuchita biyo nchito yomwe yaLuyando—mbuli kuzuzikizya ziyandisyo zyzijatika naakuti zyamuyaya biyo. Pesi kuti katuyanda kubona busandu mucheengele chesu, tweelede kuzuzikizya mabazu woonse kaali aane.

## NJOOMO MUTUBUNGA TUNIINI

**Zyakutobelezya kuMweendelezi:** Baanzaane babe muutubunga tuniini. Akamwi kabunga kape mabazu obile kuzwa kuli Luka 2:52—limwi bbazu lyakabunga lilange busongo achiimo chijatika limwi lilange muuya azyabukkale. Kumabazu obile aapegwa akwiizigwe aatala ayeeyi mibuzyo. mukuboozya ngambo, akuchitwe bbazu lyomwe muchiindi chomwe.

- Nzeezili zimwi zintu zyakachitwa kale ansondo mukugwasya muli eeli bbazu?
- Nzeezili zimwi ziyandikana nzitwizi muli eeli bbazu mucheengele chesu?
- Njiili mizeezo imwi yaNchito zyaLuyando njitunga tulabweza twachita kuti tumane penzi lyaziandikana eeli.

## NGAMBO ZIBOOLA

## Kuyiisya Kwiinkila Kunembo

---

### NJOOMO MUMBUNGA MPATI

Umwi musyobo waNchito zyaLuyando wane kuzwa kumalembe eesu 'Ndwiyo Lwiinkila Kunembo'. Lwiyo Lwiinkila kunembo ninchitoo mbotu loko kuti katuyanda kuba nsondo iili mwinyo amumumuni. Kusaalizya luzibo lwesu kubantu kuli aabo balaafwifwi andiswe kuchitila kuti bantu bapone mbuli mbayanda Leza.

Kuli nzila nyiingi nzitunga tulabelesya kuyiisya munzila yiinkila kunembo.

**Zyakutobelezya kuMweendelezi:** Kutubunga tukonzya kubala, zilembdwee aabboodi naakuti aapepa pati mpawo ukumbile bamwi kuti bazibalile mujulu.

1. **Bukambawusi antoomwe anjiisyo kuzwa kuMukambawusi** – Bakambawusi bakkede kabali bayiisya balemekwa loko munsondo antoomwe amucheengele. Mukuyungizya aatala akweeta lwiyo lwamuuya akusungwaazya basinsondo, kulakonzeka kuba mweenya wakuyisya aatala akusimya makwatano naakulela kabotu bana. Eezi zilakonzeka kuchitwa muchiindi chakukambawuka naakuti mulichimwi biyo chiindi chili nsini.
2. **Kwiya Mutubunga Tunini** – Kwiya mutubunga tuniini kutugwasya kuti tukomene mumuuya, alubo tukonzye kugwasyana abamwi muchiindi awumwi nachita Nchito yaLuyando yamuntu omwe, antoomwe akugwasya basimayakilane besu mbuli kabunga. Mutubunga tuniini momumo mutukonzya kulingula kabotu zyiyo nzitunooli twakayiya mumabbuku aakayinda antoomwe akuyiisya bamwi bakatazimvwide pe zyiyo eezi.
3. **Kwiya kubambidwe mpango zyoonse muCheengele** – Mulakonzya kubweza zyiyo kuzwa kumabbuku zilimbili Bulondozi, Makwatano aMpuli, antoomwe alya KweIndelezya zyaMali, kuchitila kuti zyiyo eezi ziyisigwe nikwamana nsondo naakuti mulilimwi zuba aakati kamviki. Eezi zipa mweenya kubana Kkilisito antoomwe abamwi batali bana Kkilisito kuti bayiye antoomwe, kubumba bulidilano akujula milyango yakuti bantu bakonzye kuzuwisyania kuya kunembo.
4. **Myeenya yakuYiisya litatalidwe pe** – Mukupona kwesu kwamazuba mwoonse—kuswayila bachiswa, kubeleka mummyuunda, kulela bana, kunywa papatu abazolani—tulakonzya kuyabwaaba nzitulikwiya kuli aabo balaafwiifwi andiswe. Umwi mukozyanisyo nguwa umwi sinsondo waabila bamwi zyiyo abuzuba muchiindi chachisusulo kubantu mbabeleka aabo mumuunda. Inzila mbotu yakusungwaazya njiisyo iitabambidwe eeyi njakuyiisya chiiyo chomwe amviki kuli basinsondo kuchitila kuti abalabo nibayabweenda kabayabuyiisya aabo mbibanoyabuswaana mukati kamviki eeyo.

### KULILINGULA OMWINI AKUKOMBA

Tola mweenya wakubuzya mibuzyo eeyi kuli Leza. Yeeya kuti utole chiindi chakuumuna umuswiilizye kunsandulo nzyatakupe amizeezo mipya.

- Ntwiingi biyeni nitutola mweenya wakuyiisya bamwi alimwi niinzi nchitwakayiya?

- Nga tulayungizya biyeni myeenya yakuyiisya? Mpiili na myeenya yakuyiisya njitutana bona?
- Nzeezili zyakubelesya Leza nyaakatupa kuti tuyiisye? Niinzi nchitulikubula?

## NGAMBO ZIBOOLA

**Zyakutobelezya kuMweendelezi:** Amwaabane mizeezo. Ambila balikwiiya kuti basike baabilane abamwi bo mbubabwene kweenda kulikuchita kwiiya naa kuyiisya kwiinkila kunembo. Baambile lubo kuti baangunuke kwaabilana aatala ayaayo mabazu ngibatali kuzwidilila kabotu. Bape chisungwaazyo chakukomena mumabazu aayo.

## Bweendelezi Bwakubambila

### NCHITO MUMBUNGA MPATI (SG)

Zyakutobelezya Munchito eeyi:

1. Ndilabala ntaamo zyoonse zyakubambila Nchito yaLuyando.
2. Woonse muntu uukonzya, wakumbilwa kunyampuka.
3. Koonse mpumutamvwe nkewamba bbala lyakuti 'komba', fugama naa kugobyazwa mazwi akuvunga maboko, mpawo wiimikile lubo kabotu.
4. Atweeze katuli antoomwe.

**Zyakutobelezya kuMweendelezi:** Bala mitwe yoonse **iisiya loko**, simisya loko aabbala lyakuti 'komba' muchiindi choonse noli kubala (mbuli mukozyanisyo: 'Chakusangu-1: Amuswaanane Chiindi choonse... Chabili-2: Amukombe antoomwe... Chatatu- 3: Amulange ziyandikana mpawo mukombe...'); achimwi achimwi chiindi balikwiiya beelede kunoofugama. Yindulula eezi lwabili (naa lwatatu!), koyabubala majwi woonse, kulichimwi achimwi chiindi koyabuyungizya munyansu. Kumamanino kabunga keelede kakasike akufugana akunyampuka munkombyo mpawo mpawo.

- Niinzi chipati mukubamba?
  - Kukomba!

Kwalino amukkale aansi nitulikubala aaya majwi. (Basungwaazy boonse kuti babale mitwe yamakani antoomwe. Mpawo usikubala bupandulizi, mpawo ubaambile bayindulule mutwe wamakani.)

1. **Kuswaanana chiindi achiindi** – Mbuli nsono, mweelede kunooswanana chiindi chiingi kamulangisisya zyaNchiito zyaLuyando kuchitila kuti bantu batabi kabayandojatinkana bazilube nchito eezi. Amweeze kuti mwakachilwa loko kamuswaanana lumwi amweezi kuchitila kukomba, akuzuwisyania aatala aNchito zyaLuyando, akuchita mabambe.
2. **Amukombe antoomwe** – Zilibiyo mumanguzu aaLeza amubusongo bwakwe mbutunga tulakonzya kweeta busandu muzyeengele zyesu. Tazikonzeki pe We katawo, pesi aNguwe tulakonzya loko kweeta busandu. Amutalubi pe bukoloondo bwankombyo; peepe kweenwa kuti nchito zyesu azilikke zilatupa kuzwidilila kaatakwe kukomba!
3. **Kulangisisya ziyandikana akukomba** – Awumwi muntu weelede kuza mumuswaangano kalibambilide kuza kukuzuwisyania abamwi aatala aziyandikana nzyalikubona. Nimweendelezya zuba lyenu, mweelede kamuli kulangisisya zintu ziyanda kuchitwa naakuti bantu balikuyanda kugwasigwa. Kumuswaangano amukazuwisyanie aatala aziyanda kuchitwa. Amukombe antoomwe kuchitila kuti Leza amutondeeze nzimweelede kuchita akuti amugwasye kuchita mabambe amweetele bulemu We.
4. **Amuchite mabambe mukombe** – Kubweendelezi boonse, mabambe eesu eelede kuti abe aayo aabelesya zintu Leza nzyamupede alimwi kaakonzeka kumana muchiindi chifwiifwi. Pesi chikoloondo

chakuti mweelede kuchita mabambe aatobelezwa eeche Leza nchaamutondeezwa kuti muchite. Bbayibbele litwaambila kuti nzila zya Leza teensi nzenzila zyesu pe, aboobo ulakonzwa kumwaambila chimwi chintu nchimunga mulayeewa kuti tachikonzeke pe kulindiswe nkaambo chilamupa bulemu We kuti Wachita kuti chizwidilile. Teezyakali kuboneka kazili aamutwe pe kubantu bali mulwaano kuti bayake mugwagwa—tusugwaazwa kuti bantu basangune aamilimu miniini. Pesi, mpawaawo, Leza mpakalikuyanda kuti batalikile mpawo, nibakazichita, kwakaba kusanduka kugambya kugunzi lyabo.

5. **Amukombe mpawo muchite** – Amutale zuba achiindi, amulembe aansi zyakubelesya, abantu bayandikana, mapwo mutobelezwa mabambe.
6. **Amulangisisye Lubo mpawo Mukombe mulumbe Leza** – Amulange kuti zyeeta buasandu buli biyeni mpawo mutembawule Leza akumugwasya kumana mulimu ooyu.

**Amuyeeyee:** Nchito niini zikkala kazichitwa zilimbuno kwiinda nchito mpati iichitwa lumwi kwagola. Nchito niini zikuzumizwa kuti muzwidilile. Aawo bamucheengele nibamubona kamuchita zintu zyiingi zili kuzwidilila kwiinda kuchita chintu chomwe amunyaka, zipa kuguma bantu kapati loko. Chintu chomwe chipati loko achilacho nchibotu chilayandikana, pesi kuti bantu bazobona nsondo kiitachiboneki lubo mukuchita milimu mucheengele, tachikwe nchichigwasya pe.

## Masimpilo

---

Muchiiyo chesu chitobela ndiswe basikubambila Nchito yaLuyando.

**Mweendelezi:** *Kuti kamulikuchita zyiiyo eezi amviki wamba kuti:*

Amutole mweenya mukati kamviki eeyi kubuzwa kuli Leza kuti amutondeezwa zimwi ziyandikana mucheengele eeche kabunga nchikalikulanga. Amuze kamulibambilide kuli nzimwabona ambubo Leza mbaamutondezwa.

**Mweendelezi:** *Kuti kamulikunjila mulichimbi chiiyo mpawaawo wamba kuti:*

Katutanaya kuchiiyo chitobela, amulange lubo manosi eenu achiiyo eechino. Njiili imwi mizeezo njimwaba aayo yakuyiisya bamwi aatala aNchito zyaLuyando zyaandeene? Amukumbile akubuzwa kui Leza kuti njiili yayeeyi mizeezo njayanda kuti mwiiyeeye nituyabunjila mulichimbi chiiyo.

# Chiiyo 8: Mabambe Eesu Aazyakuchita

**Muzeezo Mupati:** Ankombyo antoomwe alugwasyo lwaLeza, tulachita mabambe aaNchito zyaLuyando.

**Zyakubelesya:**

- Bbuku lyaSikwiya kuti kamuyanda biyo (SG): Ntaamo Zyakubambila Nchito zyaLuyando

## Kupanga Mabambe

---

### NJOOMO MUMBUNGA MPATI

Ngwani uchiyeede ntaamo zyakuchita bweendelezi nzitwakayiya muchiiyo chayinda?

**Zyakutobelezya kuMweendelezi:** Sungwaazya kabunga kuti kayeeye ntaamo mubwiingi bwazyo mpubakonzeyya. Nibamaninsya bala zyoonse lubo.

1. **Kuswaanana chiindi achiindi** – Mbuli nsondo, mweelede kunooswanana chiindi chiingi kamulangisisya zyaNchiito zyaLuyando kuchitila kuti bantu batabi kabayandojatinkana bazilube nchito eezi. Amweeze kuti mwakachilwa loko kamuswaanana amuswaanane lumwi amweezi kuchitila kukomba, akuzuwisyania aatala aNchito zyaLuyando, akuchita mabambe.
2. **Amukombe antoomwe** – Zilibiyo mumanguzu aaLeza amubusongo bwakwe mbutunga tulakonzya kweeta busandu muzyeengele zyesu. Tazikonzezi pe We katawo, pesi anguwe tulakonzya loko kweeta busandu. Kamutalubi pe bukoloondo bwankombyo; peepe kweenwa kuti nchito zyesu azilikke zilatupa kuzwidilila kaatakwe kukomba!
3. **Kulangisisya ziyandikana akukomba** – Awumwi muntu weelede kuza mumuswaangano kalibambilide kuza kukuzuwisyania abamwi aatala aziyandikana nzyalikubona. Nimweendelezya zuba lyenu, mweelede kamuli kulangisisya zintu ziyanda kuchitwa naakuti bantu balikuyanda kugwasigwa. Kumuswaangano amukazuwisyanie aatala aziyanda kuchitwa. Amukombe antoomwe kuchitila kuti Leza amutondeezezye nzimweelede kuchita akuti amugwasye kuchita mabambe amweetele bulemu We.
4. **Amuchite mabambe mukombe** – Kubweendelezi boonse, mabambe eesu eeleda kuti abe aayo aabelesya zintu Leza nzyamupede alimwi kaakonzeka kumana muchiindi chifwiifwi. Pesi chikoloondo nchakuti mweelede kuchita mabambe aatobelezya eecho Leza chamutondeezya kuti muchite. Bbayibbele litwaambila kuti nzila zya Leza teensi nzenzila zyesu pe, aboobo ulakonzya kumwaambila chimwi chintu nchimunga mulayeeya kuti tachikonzezi pe kulindiswe nkaambo chilamupa bulemu We kuti Wachita kuti chizwidilile.
5. **Amukombe mpawo muchite** – Amutale zuba achiindi, amulembe aansu zyakubelesya, abantu bayandikana, mapwo mutobelezye mabambe.
6. **Amulangisisye Lubo mpawo Mukombe mulumbe Leza** – Amulange kuti zyeeta busandu buli biyeni mpawo mutembawule Leza akumugwasya kumana mulimu ooyu.

Muleechino chiiyo tulikuyanda kuti tuyeesezye biya kuti Leza ulikuyanda kutwaambila kuti tuchite nyama nzi chitobela. Naa katuchiyeede lwaano lwa Gunzi Lyakasandulwa, mulabona kuti busandu boonse bwakasangunina aakuti bakali kukumbila Leza kuti abatondeezezye nzibanga balachita mpawo, nikuba kuti mukuli wakali mupati—kuyaka mugwagwa—bakawuyaka. Mpindu zyankuko zyakaba chigambyo: mpindu zyabo zyakayungizya tusika kkumi, bakaleka kunywa alimwi bakajatilila akweenda aaLeza mumabazu aabuumi bwabo woonse.

Aboobo atusangune zuba lyasunu akukomba katukumbila Leza kuti atuyeezye nikuba niinzi eecho nchayanda kuti tuchite. Atukumbile busongo bwakwe aawo nitulanga mizeezo njitwalemba aansi mukati ‘kamabazu aane’ muchiiyo nchitwachita chayinda akuti Leza wamutondeezya zili mukweendenda kwenu mukati kamviki.

## KUKOMBA

**Zyakutobelezya kuMweendelezi:** Zulwida mbunga muchiiindi chakukomba. Nimwakumbila Leza kuti amupe busongo akumutondeezya eezyo nzyayanda kuti muchite, amutole mweenya wakayindi kamuumwine, musule lyamaminisi aasika musanu amulumbe Leza kuti ulayanda kumuzulwida akututondeezya nzila.

Buzya kumbungano kuti mpali na wajana muzeezo muchindi nimwawumwine aabane abamwi. Ikuti pe amulange lubo eezyo nzimwalembede aansi muchiiyo chayinda kamulangisisya kuti mpuchili na chinga chilaba nchicho chakutalikila. Gwasya mbunga eeyi kusala nchito iinga ilachitika.

## NJOOMO MUMBUNGA MPATI

Lino mbukunga mwayeeya aatala achakuchita, twayanda kutola chiindi chakuchita mabambe. Amuyeesesye mibuzyo iitobela eeyi aawo nimulikuchita mabambe.

1. Mulayichita lili nchito eeyi?
2. Kulizibelezyo ziyandikana na? mulazijana biyeni?
3. Kwelede na kuti mutambe bamwi bazonjile? Ngawani uutazichite eezyo?
4. Kuyandikana kuti mupegwe nzumizyo biya na? Ngwani uutakakumbile nzumizyo eeyo?

## Kukkala Mukusyomeka

---

### NJOOMO MUMBUNGA MPATI

Bala kuli Matayo 21:28-31.

- Niinzi chakachitika mufuka eeli?
- Nguuli mwana mulombe wakachita eezyo zyakali kuyandwa awisi?
  - Mwana wabili. Mwana wakusanguna wakabotezya wisi amajwi pesi taakwe nakalibombya kuti ateelele pe. Mwana wabili wakachita eezyo wisi nzyakaambide kuti achite.
- Eezi zyaamba nzi kulindiswe?
  - Tweelede kuyeeya kuti takuzilide pe kuchita biyo mabambe; tweelede kwaatobelezya.

### NJOOMO MUMBUNGA MPATI

- Mpuzili zipilinganio zinga zilamukachizya kuzuzikizya mabambe eenu?
- Niinzi nchimunga mulachita kuti muzunde zipilinganio eezi?

## KUKOMBA

Amutole mweenya wakukomba, kupeda mabambe eenu kuli Leza akukumbila lugwasyo lwakwe mukwaazuzikizya.

## Masimpilo

---

### NJOOMO MUTUBUNGA TUNIINI

Mutubunga tuniini, amubone kuti mulakonzya na kuyeeya muzezo omwe mupati kuzwa kuchiiyo achiiyo.

- Nzeezili zimwi zintu nzimuyanda kuchita muli iimbi nzila kazyetelezegwa akwiiya eeli bbuku?

### NGAMBO ZIBOOLA

Atutole mweenya wakulumba Leza kulizyoonse nzitwayiyya muBbuku eeli.

- Ngwani uuyanda kukomba akukumbila Leza lugwasyo lwakuti muzibelezye nzimwayiyya?

# Chiiyo 9: Kubungania Basikulipeda

**Muzeezo Mupati:** Tweelede kusungwaazyanika kuzichito zibotu kwiinda mukuyiisya, kwanza myeenya, kutamba bantu kuti banjile, kuzibinkana, kubeleka antoomwe, kuba bakoloondo antoomwe amukubotelwa.

**Zyakubelesya:**

- Chaati naakuti bboodi lituba antoomwe ama Makka
- Chitondezyo Chiboneka: Nzila zilimusanu ayimwi Zyakusungwaazya Kukkutawuka – lyomwe kukabunga komwe kaniini
- Bbuku IyaSikwiya kuti Kamuyanda (SG): Nzila zilimusanu ayimwi Zyakusungwaazya Kukkutawuka
- Bbuku IyaSikwiya kuti Kamuyanda (SG): Nsondo likkutawuka

**Zyakutobelezya kuMweendelesi:** Eechi chiiyo chibambidwe basololi bansondo mumbungano yako kuti chibagwasye kuyeeya kuti ngabaleeta biyeni bantu biingi kunsondo zyabo aabo balipeda kuchitamilimo yakukkutawuka antoomwe aNchito ZyaLuyando.

## Manjililo: Buumi bwaku Kkutawuka

### NJOOMO MUMBUNGA MPATI

Kuli 1 Ba-Korinto 12 Pawulo waambuula aatala amubili woonse. Utuyeezya kuti toonse tulizizo zyamubili alimwi, kuti mubili ubeleke kabotu, achimwi chizo chamubili cheelede kuchita mulimu wacho. Pesi kulizimwi nsondo, kumvikaanga ibiyo kamwi kabazu kansondo nkinkaako kalaabantu bachita milimu mpawo bamwi boonse bayanda kukkutawukilwa naa kubelekelwa. Muli eechi chiiyo tuyanda kulanga kuti nga tulanjizya biyeni bantu biingi mukukkutawuka naa kuti aabo balikukkutawuka kale balimvwe kabasungwazigwa.

### NJOOMO MUTUBUNGA TUNIINI

Bala kuli Ba-Hebrayo 10:24: ‘Katunga katuyeezana katubusyanika busyanika mukuyandana akuchita milimo mibotu...’

- Nzeezili zimwi nzila nzonga ulasungwaazya bantu kuti banjile mukukkutawukila bamwi? Ncheechili chilikubeleka kabotu? Ncheechili chitali kubeleka kabotu?
- Njili imwi mizeezo njimulayoo yakweezya kuti basikujatikizya bavule?
- Niinzi nchimunga mulachita kuchitila kuti bantu bakkale kabasungwazigwa?

### NGAMBO ZIBOOLA

Mukati kachiiyo choonse ndiswe basikulanga aatala anzila zili musanu aazibili zilangilwa kuti ngazilagwasya kuti tusugwaasyanie kukkala aluyando azichito zibotu.

## Nzila Zili Musanu Azibili Zyakukkutawuka (SG)

**Zyakutobelezya kuMweendelesi:** Nolikubala imwi ayimwi, kolikulemba aabboodi.

### 1. Yiisya bukoloondo bwakubeleka naa kukkutawuka

Tweelede kuyiisya basinsondo besu aatala abukoloondo bwakukkutawukila bamwi. Kutu bantu besu kabatezi kwiita kwaLeza aatala akukkutawukila zyeengele zyabo, tatweelede pe kugamba nitwababona kabatakkutawuki pe.

### 2. Kwaanza Myeenya

Mukwaanza zintu zilimbili Nchito zyaLuyando, twaanza myeenya yabantu balimunsongo kuti banjile mukukkutawuka. Kuli bamwi bantu nkuyumu kuti ubabone naa kuziba kuti niinzi loko nchibakonzya

kuchita, kampaŋila kuti kachitanaba chintu chizibilikide mubuumi bwamunsondo. Mweezye kupanga myeenya yaandeene kuchitila kuti misyobo yabantu yoonse abalezipo zyaandeene bakonzye kunjila. Amutole mweenya wakuyeesesya aatala azipo zyangantu banyika munsondo yenu akuti ngabalanjila biyeni mumilimu. Kumbila bamwi kuti bazwe aamizeezo yakuti nsondo nga ilagwazisya biyeni. Ulabona wagamba kubona busongo mbubajisi.

### 3. **Tamba bantu kuti banjile mumabambe aakugwasya**

Bantu biingi tabakonzyi pe kulipeda kabatakwe nibachita chakusungwaazigwa naa kutambwa kuti basike kuzojata mulimu. Balakonzya kumvwa zilikuchitika kuzwa kuli balikukambawuka, pesi bayeeya kuti amwi kulibambi bantu munsondo balikuchita eezyo. Yanduula aabo bakkede kabataboneki boneki mumilimu mpawo, kuti kwaba Nchito zyaLuyando naakuti imwi milimu iiyanda kubelekwa batambe bazojatile aamwi abamwi.

### 4. **Ziba akulumba bantu**

Toonse tulakuyanda kudombolwa antoomwe akulumbwa. Amulange chakufwambaana aali Ba-Roma 16—kulimazina miingi aalembdwe antomwe azintu zyiingi nzibakachita aabo bantu. Yeeya kuti aabo badombolwa mulugwalo oolu bakamvwa biyeni aawo Pawulo naakawubona mulimu wabo mubotu akutola chiindi chakubikka mazina aabo mulugwalo lubotu luliboobu? Muchiindi mazina aaya natuyeezya bukoloondo bwakubeleka chamanguzu, mbuli bapati bansondo, alatuyeezya lubo kuti nchikoloondo kubona mulimu yachitwa abantu antoomwe akuzidombola akubalumba. Mbuli basololi tweelede kuba aasimpe lyakuti twatola mweenya wakulumba aabo balikukutawuka, kampaŋila aabo bataboneki loko chiindi chiingi.

### 5. **Simatizya Bukoloondo**

Bala kuli Matayo 25:34-40. Munzila nyiingi eeli fuka nditwabala lijisi zintu zyiingi zipati. Twaambilwa kuti kulizyoonse nzituchita kubache, zilimbili biyo kuti twazichitila Kkilisito. Atuyeeye kuti bantu boonse mbitugwasya tubachitila mbuli kuchitila Kkilisito—nga tulamukutawukila biyeni? Nga millimu yesu ilaba mikoloondo biyeni? Tweelede kugwasya bantu kuti bazibe kuti, aawo mpubalikugwasya mucheengele, banooli balikubelekela Kkilisito.

### 6. **Kubelekela Antoomwe**

*Bala Iwaano lutobebala kolubalila mujulu:*

Kwaminyaka myiingi basinsondo bakalikugamba kuti nkaambo nzi muntu uunga wapegwa mulimu wakunoyiila munsondo naakali kukkala kaleka kwaba umbi. Umwi wanoonga walipeda, pesi musule lyamyeezi iine naa iitatu wakali kuti tachikonzyi pe kuyakunembo akuchita mulimu ooyu. Bamwi bantu bakalikulipeda kuchita imwi milimu munsondo bakali kukkala kwaminyaka myiingi kabachita milimu eeyo, mpo nkaambo nzi aaba nibakali kufwambaana kukatala? Bakabuzigwa kuti nkaambo nzi nibakaleka, pesi biingi tebakali kuyanda pe kwamba njetelezyo ziyakuleka kwabo. Umwi wakaamba kuti kaansinga kwaba kabunga kabusena amwi zyalikunoogwasya. Nsondo yakayeeya kuti yeeze, yakabumba kabunga kbasikubeleka akuyiila aansondo aawo mukati aanze.

Lino kwakavula mataata, bana balombe abamwi baalumi balimukati kakabunga aaka. Balaswaanana amugibelo kuseni muchiindi cha 7. Basanguna kukomba mpawo baya kumabazu aasiyene ooko nkubayobeleka kabali babili babili—babili balikugonkolola misamu, bamwi babili kuyiila. Kuyoosika muchiindi cha 9 balanywa papatu kabali antoomwe mpawo baabilane kuti niinzi zilikuchitika mumawumi aabo. Awumwi ulajana mweenya wakwaambuula mpawo bamaniniza aakukomba. Mpawo babweeda lubo kuyakwinkila kunembo kababeleka antoomwe. Lino bantu bachila chakukkala mukabunga aaka kwaminyaka myiingi. Bachila kuleka biyo muntu kuti wachiswa tachikonzyi naakuti wajatinkana aazimbi.

#### **Amuyoome:**

- Niinzi chakapa kuti basikulipeda babeleke kwachiindi chilamfu?
- Nkaambo nzi nimuyeeya kuti kukutawuka kamuli antoomwe nkukoloondo?
- Nzeezili zimwi zintu nzibakachita kuti bayake mujatane?
- Njiili imwi mizeezo njitunga tulazwayo kukugwasya kuti bantu babeleke antoomwe?



## 7. Amuchite Zinoneezye

Bantu balachita zyiingi kuzintu nzibezi kuti zilabanoneezya kuzichita! Balabeleka kwachiindi chilamfu akuchita kabotu milimu yabo kuti kabali kuchita zintu zibanoneezya. Chimwi chiindi tuyeeya biyo kuti zintu zyachi Kkilisito ziyanda kuchitwa bantu kabatasekiseki pe, pesi Bbayibbele likkede kalyaambuula aatala alukondo. Kujulu kunooli kubusena kuzwide lukondo.

### NJOOMO MUTUBUNGA TUNIINI

**Mweendelezi:** Akamwi kabunga kape pepa lyayeeyi mibuzyo kuzwa ku **CHITONDEEZYO CHIBONEKA**: Nzila Zili Musanu Azibili zyakusungwaazya kuKkutawuka

- Mwakazyeezya na zimwi zyazeezi nzila? Nzeezili zyakabeleka? Niinzi chakatabeleka?
- Njiili imwi minchali iilembedwe njitunga tulabelesya kuyiisya bantu aatala abukoloondo bwakukutawuka?
- Nzeezili zimwi nzila nzimwakabelesya kudombola akulumba bantu? Njiili imwi mizeezo njimunga muleezya kubelesya?
- Mulachita biyeni kuti mwaanze kubotelwa? Nzeezili nzila zimunga mulabelesya kuti kukutawuka kunoneezye?

### NGAMBO ZIBOOLA

**Zyakutobelezya kuMweendelezi:** Ba aasimpe kuti wabampa mweenya uuzululila kuti basandule mibuzyo eeyi akupa ngambo zyabo aatala anzibalikwaambuula.

### NJOOMO MUMBUNGA MPATI

Twazwakulanga nzila zilimusanu azibili eezyo zigwasya kusungwaazya bantu kuti banjile mukukutawuka: kuyiisya, kwanza myeenya, kutamba bantu kuti bajitile antoomwe, kudombola bantu, kubelekela antoomwe, bukoloondo, akunoneezya.

**Zyakutobelezya kuMweendelezi:** Ambila muntu woonse kuti aze kunembo azoobikke mpa aafwiifwi azintu zitatu nzibayezya kuti nzizibasungwaazya.

- Bantu boonse basala nzintu zikozyania na? Chiindi chiingi, ngazyasiana.
- Pandulula kuti bantu basungwaazika munzila zisiyene, aboobo munsondo zyesu tweelede kubikka mabambe aagwasya kuzuzikizya ziyandisyo zjabatantu basiyene.
- Mpuzili na nzila zyajana bantu biingi? Uyeeyi kuti nkaambo nzi nizyajana biingi? Kuli nzila na njimubelesya nzila eeyi munsondo mukusungwaazya bantu?

## Nsondo likkutawuka

Kuti katuli aachiyandisyo chakuti nsondo zyesu zipone buumi bwakuchita Nchito zyaLuyando choonse chiindo (peepe kuti lomwe muchiindi chilamfu), aboobo tweelede kusanguna aakulipeda kukombela nsondo. Mpawo tweelede kuchita zikonzeka kwaambuula, kuchita, antoomwe akubotelwa kunchito zyaLuyando chiindi choonse. Amuswiilile lwaano oolu lwansondo yakabeleka chamanguzu mukuchita kuti Nchito zyaLuyando zibe buumi bupona abasinsondo. (SG)

Mukambawusi James wakali kulimvwaanga wazundwa buniini. Wakalizi kuti wakalikuyanda bantu batanookkutawuke munsondo yakwe, pesi taakezi pe kuti biyeni. Umwi muzolani wakwe wakamupede myeelwe yanjobolamakani ya Mukambawusi Moses kamusungwaazya kuti amuumine amugwasye. Wakamufoonena Mukambawusi Moses mpawo musule lyakuyooma buniini wakaambilwa kuti wakeelede kubumba nzila zyakukutawuka munsondo. Mukambawusi James wakaba nguwe wazumina kwaamba kuti taakwe nakeezi pe kuti achite biyeni. 'Utabi aapenzi,' Mukambawusi Moses wakasandula, 'ambebo taakwe

*nchindakezi pe kuzosika minyaka miche yayinda. Zoosike kulizimwi zyankombyo zyesu ndizookutondeezya kuti ndikwaamba nzi.'*

Mukambawusi James wakatambulwa a Mukambawusi Moses aamulyango wansondo. Wakabotelwa kubona kuti Mukambawusi Moses wakali kutondeezya kuti ulayanda kumugwasya nchoonzyo peepe kuyanda kweebwa ansondo yakwe mpati.

Nibakanjila munsondo, Mukambawusi James wakabona pepa pati loko. Lyakalembedwe kuti 'Njila ayebo Mubuzuba bwaku Kkutawuka.' Mushi lyamutwe wamakani ooyu kwakali vesi '...pele nywebo bakwesu, mutabi nomukatala kuchita chibotu. – 2 Ba-Tesalonika 3:13.' Mushi lyazeezi, awumwi mweezi wakalembedwe minchali iitatu. Munchali wakusanguna wakali wamweelwe waNchito zyaLuyando zyeede kuchitwa ooyo mweezi, munchali wabili wakali wamweelwe wabantu bakagwasigwa, mpawo munchali watatu wakali wamweelwe wabantu bakalikunjila mukugwasya.

*'Niinzi eechi?'* wakabuzya Mukambawusi James.

*'Tuli aazuba lyakukutawuka amweezi,'* Mukambawusi Moses wakapandulula. *'mumazuba aayo tweezya kuti tujane bantu biingi loko kuti bakkutawuke mumabazu aasiyene mbuli mputukonzezya. Muchiindi nendikukambawuka ndikkala nketamba bantu kuti basike bazolembesye, mpawo bantu balimunsondo abalabo balatamba beenzinyina mukwaambuzyania kwabo. Bamwi balagwasya munsondo kukuyila azilili naa kukupenta maanda aansondo. Bamwi balagwasizya mucheengele, nga kulaba kuyakulula ng'anda naa kugwasizya kumisobano yabana. Tujisi mapepa aloobu miingi loko mukati kansondo kuchitila kuti ayezye bantu aatala aziyanda kuchitwa akubagwasya kuziba kuti mbangane bantu balikugwasya akuti tuchiyanda kuti abalabo banjile mumabambe aaya. Amweezi tulabala kuti nzingane Nchito zyaLuyando nzitwakachita, mbangane bantu bakangwasigwa, akuti mbangane bantu bakanjila mumabambe. Awumwi mweezi nga tweezya kuyungizya mweelwe wabantu balikugwasya.'*

Aawo Mukambawusi James naakalangalanga mukati kansondo, wakabona kuti ndisimpe—kwakali mapepa mapati kumalambo aakalembedwe mavesi aasiyene. Kusule kwakali mifanikisyo yaandeene yamilimo iisiyene yakachitwa muchiindi chayinda. Mwakali mifanikisyo yabantu biingi bakalikunjila muzintu zyaandeene: kuyaka maanda, kuyakulula migwagwa, kuyila munsondo, akuyiisa bana. Ajulu amifanikisyo eeyi kwakali chikwankwani chakalembedwe kuti, *'Atuyake Bwami bwa Leza antoomwe.'*

Mukambawusi James wakayanduula aakukkala aawo Mukambawusi Moses naakali kubambila kusanguna nkombyo. Mukambawusi James wakabona kuti munsondo bantu bakali kunjila kabasekelelana alimwi kabalikujuzyanika kabotu. Kwakali umwi mwanakazi aamulyango wakali kugwasizya boofu kuti banjile kabotu akubapa nkomesi zypapatu. Wakamwika katambulikide loko mukati kayeeyi nsondo alimwi wakayeeya kuti kaansinga alakwe wakuzichita ziliboobu kunsondo yakwe.

Niyakasanguna nsondo, bachikomana bakazyana alimwi basinsondo bakali kwiimba nyiimbo. Nikwakamana kutembawula, Mukambawusi Moses wakatamba bantu kuti bape bukamboni. Umwi mwanakazi wakali wakomena, wakasika kunembo kuzopa bukamboni, 'Ndakafwidwa mulumi wangu, alimwi lino ndachila chakulela muzikulu wangu mulombe endike. Ng'anda oyangu yakali yaba muchiimo chibi loko alimwi yakali kuzuza alubo muzikulu wangu taakwe nakali kukonzya pe kuchikolo.' Mpawaawo Wakaba aalumwemwe lupati loko, 'Lino nsondo yakasika yandigwasya kuvumba lubo kaluli kakalikuzuza. Mpawo bamwi bachikomana bakatamba muzikulu wangu kuti abe mukati kamabambe aalwiiyo kuchitila kuti zimugwasye kuchikolo. Ndilabotelwa loko anzila nsondo njiyakandigwasya aayo. Ndamulumba moonse!' bantu boonse bakagumwa abukamboni oobu. Mukambawusi Moses wakabweeda kunembo lyansondo wakumbila kabunga kakachita mulimu wakuvumba kaluli amabambe aalwiiyo kuti banyampuke. Nibakanyampuka, nsondo yoonse yakabapululuzizya, bakalikuboneka kabakondedwe mpawo bakakkala lubo. Mukambawusi Moses wakakomba nkombyo mfwiifwi kumwanakazi ooyu antoomwe atubunga twakagwasya — kalumba Leza akulipeda kwabo mukugwasya, kalumba Leza akubabelesya, akukumbila Leza kuti ayinkile kunembo kachita kuti nsondo imupe

bulemu mumilimo yabo njibachita. Mpawo Mukambawusi Moses wakayeezya lubo basinsondo kuti zuba lyakukutawuka lilasika biyo mukati kamviki zibili ziboola. Wakabaambila kuti bakalikuyanda mubili woose kuti ubelekele antoomwe naa kabayanda kuti kuyakwe Bwami bwaLeza. Wakabayeezya kuti taakwe chizo chamubili chilangilwa aansi pe akuti, mbuli mubili wamuntu, kuti kwaba zimwi zizo zyamubili zitalikubeleka kabotu, mubili woose anga tuuchibeleki kabotu mbuli mbuuyelede pe. Wakaambila aabo bakali balembesya kale kuti baambile naba omwe anjile alakwe muzuba lyakukutawuka eeli.

Niyakali kwiinkila kunembo nsondo, Mukambawusi James wakali kubikka mumoyo wakwe zyoonse nzyakabona akumvwa. Chakali chigambyo na kuti bantu biingi baliboobu munsondo bakali kunjikla muNchito zyaLuyando chiindi chiingi? Wakazoozimvwisisya kuti ziyakali kwaambayi aawo Mukambawusi Moses naakali kuti bumba mweenya wakukutawuka.

#### **NJOOMO MUTUBUNGA TUNII**

- Zyiimininwa biyeni nzila zilimusanu azibili ziyakukutawuka mulwaano oolu?
- Njili imwi mizeezo njonga ulayiya iinga ilabeleka munsondo yenu?

### **Masimpilo**

Ba-Efeso 4 baamba kuti: 'Mubili woose...ulakomena akuliyaka muluyandop aawo achimwi chizo nichichita mulimu wacho.' Tulakomena kuti twapegwa mweenya wakubelesya zipo zyesu! Mbuli basololi tweeleda kusungwaazya nsondo yoonse kuti injile mukukutawuka.

#### **KULILINGULA OMWINI**

Langa lubo kunzila zilimusanu azibili ziyakusungwaazya kukutawuka antoomwe amizeezo yazwa kutubunga. Nzeezili zintu zitatu nzoyanda kubelesya muli uuno mweezi kuti uchite kuti bantu biingi munsondo yako banjile mumilimu yakukutawukila bamwi?

***Zyakutobelezya kuMweendelezi:*** Amumaninsye akutola mweenya wakukombela nsondo zyabo akukombelana.